

東陽縣志

道光東陽縣志卷之十

學校

學宮在縣治東南一百七十九步中為

大成殿奉康熙二十三年頒

御書萬世師表額雍正三年頒

御書生民未有額乾隆三年頒

御書與天地參額嘉慶四年頒

御書聖集大成額道光元年頒

御書聖協時中額

至聖先師孔子正位南嚮

道光東陽縣志

卷之十

政治志六

學校

復聖顏子述聖子思為東配東位西嚮

宗聖曾子亞聖孟子為西配西位東嚮

東序先賢閔子損冉子雍端木子賜仲子由卜子商有子若皆東位西嚮

西序先賢冉子耕宰子子冉子求言子偃顏孫子師朱子熹皆西位東嚮

按有子舊在東廡七位康熙五十三年升朱子西序乾隆七年從徐元夢請升東哲移朱子於西

東廡先賢蘧子瑗澹臺子滅明原子憲南宮子适商子瞿漆雕子開司馬

子耕梁子鱣冉子孺伯子度冉子季漆雕子徒父漆雕子哆公西子赤任

子不齊公良子孺公肩子定鄒子單宰父子黑榮子旂左人子郟鄭子國

原子亢廉子潔叔仲子會公西子輿如邾子異陳子亢琴子張步叔子乘

奉子非顏子曾顏子何縣子亶樂正子克萬子章周子敦頤程子顛邱子雍

西廡先賢林子放宓子不齊公冶子長公析子哀高子柴樊子須商子澤
巫馬子施顏子辛曹子邱公孫子龍秦子商顏子高壤駟子赤石作子蜀
公夏子首后子處奚容子歲顏子祖句子井疆秦子祖縣子成公祖子句
茲燕子伋樂子欵狄子黑孔子忠公西子歲顏子之僕施子子常申子樣
左子邱明秦子冉牧子皮公都子公孫子丑張子載程子頤
東廡先儒公羊子高伏子勝董子仲舒后子倉杜子子春諸葛子亮王子
通陸子贄范子仲淹歐陽子修楊子時羅子從彥李子侗呂子祖謙蔡子
沈陳子瀛魏子了翁王子柏趙子復許子謙吳子澄胡子居仁王子守仁
羅子欽順黃子道周湯子斌

西廡先儒穀梁子赤高堂子生孔子安國毛子萇鄭子康成范子甯韓子

愈胡子瑗司馬子光尹子煇胡子安國張子栻陸子九淵黃子幹真子德
秀何子基陳子澔金子履祥許子衡薛子瑄陳子獻章蔡子清呂子坤劉
子宗周孫子奇逢陸子隴其按兩廡位次乾隆九年禮部頒行遵照太學
成式十八年禮部准會典館奏准兩廡先儒
位次敘有舛錯請依史傳按年序次康熙五十二年增祀范仲淹雍正三
年復祀蘧瑗林放秦冉顏何鄭康成范寧增祀牧皮照宣公都子樂止克
公孫丑萬章諸葛亮尹焞黃幹陳高何基魏了翁王柏趙復許謙金履祥
陳澹羅欽順蔡清陸隴其升宋儒周敦頤張載程顥程頤邵雍為先賢乾
隆三年增祀吳澄道光二年增祀劉宗周三年廟門外為洋池池東為櫺
星門外為義路路東為
增祀湯斌六年增祀陸贊八年增祀孫奇逢

崇聖祠

肇聖王木金父位中

裕聖王祈父位居左

詒聖王防叔位居右

昌聖王伯夏位次左

啟聖王叔梁紇位次右皆南嚮

東配先賢顏氏無繇孔氏鯉位西嚮

西配先賢曾氏點孟孫氏激公宜位東嚮

東序先儒周輔程珦蔡元定位西嚮

西序先儒張迪朱松位東嚮迪雍正元年增祀

明倫堂在 大成殿後恭立

御製訓飭士子文曉示生員卧碑

尊經閣在明倫堂後恭度書籍

道光東陽縣志

卷之十

政治志六

學校

三

上諭一部二十四卷

御纂周易折衷六部每部十部 書經彙纂六部每部十部 詩經彙纂五部每部十四部 性理

精義七部每部五部 朱子全書三部每部十二部 春秋彙纂七部每部十四部 三禮一部

御批資治通鑑綱目二部 續編二部 三編一部

欽定明史一部共一百十二本 訓飭州縣規條二本 僧道一本

大清會典一本 名教罪人詩一部 駁呂留良四書講義五部各八本

四朝聖訓二部共二十本 學政全書二本新頒又二部各八本 學宮儀物撮要一本

學政全書二部各六本

聖祖上諭二部三十本

上諭五部一部二十四本康熙六十年至雍正七年止一部八本雍正八年至雍正十三年止一部四本雍正八年至乾隆五年止一部四本乾隆六年

至乾隆十二年止一部李宮保刊又一道

聖諭廣訓一本 廣訓合律講義一本

上諭律例二部 各一戒貪二部 共二本

聖典訓士一册 訓士典謨一册

御製盛京賦一套 樂善堂文集八本 乾隆三十九年奉旨繳首卷換序文詩二集一部 五十四本

抽出第一張六十卷抽出第十三張詩三集一部 一百八册四十六卷抽出第十三張西魏書一部 六十七卷

海碑文一張 平定準喝爾碑文一張 平定金川碑文一張

御選時文一部 鄉會墨選六部

欽定勝朝殉節諸臣錄一種 乾隆四十二年頒 佩文詩韻一部 十年嘉慶五年頒 防護錄一部 三年

嘉慶七年頒 禮部則例一部 三十四本道 光五年頒

道光東陽縣志

卷之十

政治志六

學校

四

大清通禮一部 光十七年頒

義路南為學宮門上為輝壁樓戟門外亘二十餘文為執笏街引碧嵐清

流九曲達洋池名文秀水

名宦祠 在文廟西南

唐邑令戴叔倫宋邑令鮑安上明知縣繆樗 以上舊府縣志同 王道黃季成劉璧吳

翰詞 以上見乾隆教諭舒璧 見乾隆續志補李司鎮李經世 以上見乾隆劉振之

訓導彭如翹 以上舊府貞極 見乾隆五縣丞田達 舊府縣志同

謹按明知縣已祀崇正書院而未入祠者鄭準郭一鶚見入祠而據明史當刪者姚孫棗

國朝浙江巡撫直隸總督兵部尚書朱昌祚浙閩總督兵部尚書范承謨浙閩

總督兵部尚書文華殿大學士李之芳浙閩總督李塞白理浙江布政使

江西巡撫馬如龍以上康熙年間奉文浙閩總督戶部尚書王鴻太子太保兵部尚

書浙江巡撫兼理鹽政李衛以上奉文未詳道光知縣陳龍驤見康熙教

諭郎培見乾隆五十年縣冊知縣施廷燦李德舉生祠在書院旁

鄉賢祠在文廟西南

梁劉崑申屠狄唐厲文才以上八祠馮宿舒元與宋滕元發滕茂實張志行

賈廷佐杜伯僖馬之純葛洪倪千里徐次鐸喬行簡李誠之李大同王寔

馬光祖杜幼節陳大猷杜仕賢以上舊府縣志同內祀郡鄉賢祠者馮宿

金從鑑厲仲祥以上見乾隆五十年縣冊申屠大防許璫許伯繼胡德廣陳毅孫初趙

希伋以上八祠明何士英張崇杜惟熙張大輪趙子忠府志作盧煦王鈇

盧仲佃張文蒼金聯芳樓如山李學道金應時吳希純王乾章金淵張希

道光東陽縣志

卷之十

政治志六

學校

五

武忠敏胡永清盧洪春盧洪珪許達道許宏綱王嘉忠趙賢意以上舊府

祀郡鄉賢祠者盧仲佃李學道王乾章康熙三十孫埏九年請入孫揚乾隆四十二

張希武盧洪春盧洪珪許達道許宏綱孫埏九年請入孫揚乾隆四十二

祠賢吳元吉盧堯選以上祀崇趙葉趙熟盧格金肇元以上見乾隆葛誠張

國維杜學伸盧懋鼎以上國朝賜諡張貴嘉慶年李叙盧睿徐玘包九德以上八祠

國朝吳良栻見乾隆五十年縣冊

忠臣祠

後唐張潮張天賢明張良寅張貴張國維見奉祀祇五人潮天賢舊志皆未

臣祠當作忠義祠本邑忠宜祀者宋正節侯李誠之明烈愍葛誠忠敷王

國朝當入者一人郭士捷以總戎被難見康熙府志鄉賢祠

孝子祠 在名宦祠右舊無專祠
孝子合祀於鄉賢祠

漢斯敦晉許攸許生唐應先唐君佑馮子華以上六孝舊宋李悅元李世衡

明王晁吳朝宰趙賢高以上五人舊李嘉邦李德孝徐克仁杜文孟王嵩

胡梁洪盧光晟倪正文徐邦克吳滄以上已郭用賢陳文敵杜敬仲盧濬

源即逢趙滄王曇王基陸謨盧濤郭光屏郭光翰盧美胡君濶許坪徐懋俞

德趙江張大轍郭景節蔡世南曹汝用郭光大華大起孫浪蔣仁益盧國

臣沈全鏐趙忠敬盧懋光盧懋中何希傑許文和蔡光祚虞之欽趙明鈞

王崇慤吳成褒吳其鳳胡其滿虞陞張煜任汝洪吳明道王光起任仲進

張朝郎張朝玉金祖創郭承學陸良鍵湯嘉衍杜時澄陳懋浩陳永祿施

公文金有炳金瑞業汶陳應俸郭秉良鍾善以上旌表無考入祠原始未

當時題主者悉據康熙縣志孝友抄入

國朝社時融李正馥蔣哲金希俊吳承統吳時敏韋名位張洪培以上題

土地祠 在樞星門內

齋宿所 在廟門外東

教諭宅 在明倫堂東齋下教諭李如蘭榜曰
敬業堂署教諭嚴繼光題曰司諭齋

訓導宅 在明倫堂西齋下訓導謝雲卿
榜曰勤補堂西南有涉趣園

學額 原膳生二十名三歲充貢一人增廣生二十名
儒童入學歲科試各二十名武學歲試十五名

學田 六十四都一保禪宇號僧田三十二畝八分五釐九毫民地二分四釐
二毫民山四十三畝九分郭天期助又官田三畝七分七釐寺地

六十畝零五分三毫 伍田六畝四分五釐 民地四十四畝九分四釐
五毫民塘一十畝零五分七釐三毫萬歷十五年盧洪春助內該除地

租二十四秤二十一畝三釐四毫塘大小四口共四畝零六釐八毫歸郭
天朔名下 三十四都 保官田二十二畝三分二釐五毫又一保官田

四畝九分九釐五毫二保官田 分九釐九毫 四十都五保國字號伍
田一十四畝八分四釐四毫 官地一畝九分一釐二毫 官塘二分四
釐 民塘一畝二分二釐 六十三都四保正田一畝九分九釐一毫
按舊志所載互異查萬曆府志載嘉靖二十四年十二月趙察院將廢寺
寺產八十三畝六分充作學田嘉靖三十六年監生郭天翔買民田四十
六畝增入又萬曆三年九月奉府帖撫按司道批發本縣申詳賊犯洪添
入官莊田四十三畝二分二釐充本學公租總計一項七十二畝八分二
釐今學冊所存惟郭天翔助田三十一畝一釐坐落五都一圖監生李世傑助
義民張永高助田九畝七分八釐四毫坐落五都一圖監生李世傑助田
二畝四分四釐七毫坐落一都一圖據康照志郭天翔所助尚有地租廿
四秤二十一畝三釐四毫山四十五畝塘大小四口四畝六釐八毫而東
麓洪春公所助田不載畝數查萬曆十六年廬氏助田碑陰載南寺口田
四百九十九秤地租三十五秤屋基四十五秤今細核鱗冊其田畝基地
有贏無缺此外三十四四十四六十三等都田畝或馬趙張李諸姓所助
抑係郭氏所買民田共核
清號畝併附載以備查考

道光東陽縣志

卷之十

政治志六

學校

七

侯即捐資命耆民金集等董其役培卑增高絕斜恢隘三月訖工其制西
西為小門以入大門二左右室置倉二容三四百石給師生歲月用門內
東西為號房中為堂三楹射時以設位陳器周垣若干尺侯中之器若干
既成廷珪偕僚友林君文翰李君茂率諸弟子是講是肄請侯親臨禮畢
命紀事於石 曰敬一亭 嘉靖四十五年知縣陳應 曰學倉 畧見射圃 曰
今為崇聖祠 曰敬一亭 春建於文秀水口 嘉靖間銓子
膳堂 在輝映樓左凡三楹湯諫同子銓創建嘉靖間銓子
高化五年楊尹移戴叔倫碑內載太原王昌圖創夫子廟於縣解前而不
詳其事慶歷初始詔府州縣以次立學校置教授員本學可考者自慶歷
始見明皇祐元年知縣鮑安上始建學宮撰祭器實經史行鄉射鄉飲禮
一統志 義烏令開封毛維瞻記治不本於儒則五常放汨而莫陳其民雜汚而之
頑類然不可枝梧此真可畏也惟君子之於官凡程一役賦一事鮮或直
情而判於道其民用是識教法起孝起悌盡廉遜而違刑獄故美名盛業
與斯人相終始豈非潤飾吏事以經術之驗也與西漢文翁守蜀能修學
宮而風俗變雅嗟乎風教之移人速於郵傳如此慶歷初上詔郡縣立學
天下丕變幾至於道命下之日久獨此邑因而未建雖有夫子舊廟蕪落
卑隘反不及細民之舍老屋數十椽上露星日其像貌服冕之制又失於
俗興古禮不合龜裂塵閣使民無所瞻仰可太息哉明府鮑公至感為病

之謂其寮曰豐屋疏堂非道之強窮猶也巷非道之喪宮室之奢儉於聖人之道吾未見毫髮有所損益雖然豈治朝尊仰儒術用王爵禮祭養奉天子之意耶彼弊民力於街亭字遠夷神之祠館較此孰為之急乎行圖再新實惜民費會邑豪之義者與禍寬徒牆上請入金以畢其構俟成願遣弟子舍其中從大夫學焉鮑公然其謀經始有期且患舊址迫狹遂闢東南官圃以廣之就工而悅來市材而樂輸役與於戊子夏訖於己丑垂一歲而蒙成遊捷以紆民也凡屋巍然中崇者曰殿內塑先聖及十哲之像安焉又繪七十二子於兩壁服章升降皆用其數殿之陰延而表者曰講堂度可布數十席以便先生授經指畫殿東西設兩廡廡下有室曰齋以舍學者面立正門趨唐陳南鄉僚文明也左右前後庖廡垣固無不稱備既而乃褒美緝撰祭器曰俎豆籩簋爵壺洗盥盥之謂者若干以給春秋設奠之用置經史及諸子百氏之書皆著他籍以補生員誦之湖廟成民間譁然而悅父督其子兄攜其弟咸執其經北面而請於戲學所繇與矣治所繇適矣惟鄉飲御射之禮實闕王道衰盛希周不講積有年歲鮑公從之間尚考典禮肆廟宮使民觀之而化致此邑為禮遜之國他日推而放於天下誰不曰鮑公知治之本歟公名安上字子何云

大觀元年立八行八刑碑 高熙六年建藏書閣 劉揚庭記 晏那密通行去郡城三驛許以土壤則沃以民物則繁自浙水以東信乎其為壯縣也 高熙六年冬十一月青田王君袂來館銅章網舉而政立歲律甫換百廢

其與爰即校宮建藏書之閣從容規畫不以一毫擾於民頃既落成乃以書屬為之記揚庭郡人也其敢以不欲辭嘗謂上古之政結繩一變而不可復天下之所尚日趨於文聖人作經所以載道而詔後世諸子百氏之書又所以術道而翼聖人之經年祀寢多篇籍益富摹傳繕錄散漫四方者不知其幾千萬非稟集得所彙分而甲乙之則承學之流劫於求訪且將因陋就寡或至於荒其業聖人之道何自而明哉道之不明而欲民之化俗之成難矣然則分一而能篤意教育萃羣書以惠學者其殆有得於君子學道愛人之旨歟昔者天子聞絃歌於武城遽發莞爾之笑而試子游以牛刀割雞之說自常情處之雖敵己以下有所訛議亦不敢自恃其勇決自信而無疑況大聖人吾所師承以終身者也吾惟平日所學而見於設施乃貽笑於所師承其心安能無疑而不為之回奪也於此方且處之夷然益固所守學道愛人之對氣象和緩卒使聖人舍前言而是之非信道之篤易爾即錄春秋戰國以還道術契而權謀出權謀用而變詐起仕而宰邑者粗於時好惟功利名之是務學道之對漫不知其為何等語世俗之所謂能吏大率徹精神凋智慮朝夕從事於簿書敲榜之末否則飾厨傳以娛過客貢諛佞以要上官其於庠序音往往若將浼焉而不屑聽況能有所建立以續千載不傳之意乎噫告朔之禮以餼羊而存王道之易以鄉飲而陳居今之時悅古之道崇學校以化於邑之麗騰衰怒拱干霄而切雲非以為傑觀也凡記久明遠垂世立教之書

於此乎藏焉裝褫之華籤題之整巨編與帙拂架而充棟非以為文具也
凡修身齊家治國平天下之道於此乎寓焉道寓於書書藏於閣意見高
遠有非俗吏之所能為既以是善身又以是淑諸人書乎書乎孰謂空言
而已乎吾見東白之秀民於此加勉不特為決科謀祿計而好尚氣之
俗亦將歆焉動色怵焉滌慮有得於觀感之頃則是閣也實道之所又建
從出豈苟然哉王君今官承務郎蓋以材業世其家者故樂為之記又建
齋於廟左右舊二齋在廟北東曰時習西曰日新此復增設為四齋嘉泰
兩旁為學長學諭位兩嘉定三年建齋宿所曰歸愚堂 紹定三年知縣
趙與篁始以定光寺廢產置學田 四年築齋舍於東廊之東曰來朋又
以講堂東楹為先賢祠西楹為呂成公祠 高祐七年立石摹勒御書白
鹿教條

元至元二十七年按察副使王侯改建明倫堂 大德二年縣尹郭瑛重建

大成殿 皇慶元年達魯花赤朵列禿成之張泳涯記聖天子登大寶位
尊崇天子之道風厲人材薄

海內外咸暨於文教詔旨垂憲之褒大成加封之典累朝優恤之命誠曠
代殊絕所見凡籍於學者獨若彼邇使者宣明勉勵為甚至荷鯨鯢盛哉皇
元之澤大以遐聖門之教教以顯矣東陽婺鉅邑家詩書人絃誦學校視
他邑最踈前慶歷詔郡縣立學令鮑公安上招而廣之迄今垂二百六十
餘載積日滋蠹棟扶梁柱持危植僵僅弗至於墜大德丙午邑令尹郭公
瑛初蒞事既宮牆周陋以殿不稱學乃輸俸丞議更勸儒之勇於義者悉力
經始鳩工輦材易腐而堅闔隘而敞厚基博礎樞榘豐碩觀者皆以為特
出忘其前日之陋廟成貌像固無恙大畧規模具而丹漆黝堊未舉以法
既而歲大浸尹且代去闔端不及竟於時有待也抑數也耶天幸惠斯文
皇慶壬子夏達魯花赤朵列禿成來監邑公風憲故家以廉明治政奸
豪屏息百廢畢舉首垂意風教期年而祀盛行顧瞻藻芹其馬蹻蹻日數
四至進諸生語之曰聖朝之待士厚矣一切雜泛差徭有司欽承蠲免將
使之安心學業新美其材以自效庶無負作養之初意為士者可不本其
所以立身之地而於先聖先師加意焉否則自待以薄得無內愧乎因於
是捐己俸為倡先眾翕然趨事薦力不促而辦改舊觀一新之繪事約好
赤白炳明廟像於燦殿廡魚然樓閣翼然師弟子室廬整然功之成歟
哉夫子之靈吾道之福時至而數使然也因竊謂事必有所作而後與功
必有功之候人者數之寄也蓋夫長民之官往往長於政而畧於教公能以
教為政此其成易耳豈非時與數會耶繼自今士趨於學來游來歌如即

士之樂從者而官不與知焉

泮席而親冠冕登孔堂而聆金石化兩日以新儒風日以振洋水之菁
 開子衿之利不作異日思公之功不忍忘則必思公之教不忍忘也顧小
 偉與昔鄭大夫惟不廢鄉校一事鄭人德之左氏書之唐韓昌黎頌之公
 之功豈在子產下是役也縣丞韓公廷弼主簿吳公國瑞典史張祖席宗
 禮皆力贊其事教諭蘇希顏李益亨與學者儒許季度實始終相厥成黃
 工則士民杜絳前簿璫之子占籍者也泳涯學校陳人也又率事大夫之
 賢者敬為識歲月概叙
 其次以俟後之學者云
 延祐六年縣尹任謙修學宮
 泰定四年縣尹趙
 絃丞項仲升嗣修項公仲升起進士而為丞方以課使者命謀所以嘉惠
 學者而真定趙侯絃適至乃率力殫慮以相為凡禮殿倫堂書樓齋序之
 推剝圯夷者繕完之祭器之故撤者易而新之始於四年之五月而訖於
 是年之八月諸生敬共承事教奔在列莫不觀感而興起至考德問業者
 皆得以游息而養其志慮侯之為政可謂知所本而不詳於緩急之序矣
 教諭徐君潤實任其元統元年縣尹許思忠嗣修君惟學以書來通其邑
 事軌書於潘俾記之美曰侯始至即慨然有志於學顧故作州重而並
 尹許侯思忠修學之美曰侯始至即慨然有志於學顧故作州重而並
 修亦未易乃以至順壬申新從祀兩廡元統乙亥春且滿未代益大展力
 由大門殿堂齋廬前後書閣朽蠹者易之傾侈者正之傾敗者補之點
 漫漶者鮮明之又改作櫺星門及使門勿牆崇嚴像飾顯赤工畢皆出

明洪武三年開學設科分教給生員原膳以所頒條則勒石明倫堂 十三

年置卧碑凡一十四條 永樂三年知縣詹奎彰重修明倫堂 復名東兩

日正統元年刻勅諭教條成化三年知縣房驥邑人張維正暨盧孟涵趙

孟實重建明倫堂 陳青記畧縣學講堂圯於積歲邑令房公思更新之搜

推邑彥張維正而徵鄉校士趙孟實盧孟涵助之維正身自董成化九年

治事集而民不勞肇事於成化戊子十二月竣工於己丑六月成化九年

知縣蔣倫邑人趙孟修張孟昭重建大成殿越數年張孟昭趙尚毅加藻

繪 深陽繆樞記儒學之大成殿朽壞不堪瞻謁前邑令蔣君心切不虛集

夫義路也人皆可由顧安專美不若共成之費者而功易二人乃從遂各
 出所蓄以經營之惟恐或後已而殿成計其高凡四十四尺廣五十二尺深如
 廣之數皆加於故五分之一而其肇事也以夏六月落成於冬十二月夫

以曠歲難致之功而成於五六月之內自非深得乎民心而民心深如貴
義輕利者曷克致此予自成化戊戌來今斯邑距今已踰數載餘邑之美
有未備者復諏之三義士而孟修之子尚敬承之暨孟昭命工
藻繪煥然更新趙明年孟昭之子維善備尚殺斷予為之記
十六年知

縣繆樛邑人趙孟實等重修學宮飭禮器遂正祀興建賢孝祠爾時章慤

文獻之邦葵為最東陽葵屬邑錄漢唐以來其人以孝行忠義文學政事
勲業名者彬彬可稱第進士者以百數其民俗樂善好施有立義塾置義
田若范文正公之為者皆他邦所希有何其盛也然人材風俗之盛衰在
學校而學校與廢則係其令之賢否成化戊戌之秋漂陽繆樛侯以材進士
來為是邑視事之日祇謁於先聖先師願瞻學舍皆壞漏弗支禮殿倫堂
屋而未潤大懼不職以墮教基圖所以起其廢者而未知費之所出乃咨
於眾得富室之好義者八人為曰趙孟實趙尚義張啟吳大山何麟張枋
陳懷堂張鵬者願以餘力分任厥事於是增葺其殿若堂之未備者改作
其門廡齋序之微什者而棲士之舍會饌之堂習射之亭以及庫庖庖滂
皆一新之又撤去文昌土祇二祠之不在祀典者而別為之屋以祀邑之
孝子與先達諸賢其廟貌未嚴則考興禮按圖式以正象設冕服之飾而
藻繪中度禮器有缺則命工範銅治竹木為之鐫飾蓋疊洗俎豆邊簋
之屬而釋奠之用始具是役也眾心翕趨如恐不及不煩程督釐奏厥功
而棟宇之崇宮庭之敞踴身履之華式稱其為洋宮凡為室大小以區

許者若干為器若干筆事於庚子之二月訖工於壬寅之十月蓋有經始
勿亟之意焉侯於規畫勸相不憚其勤而贊其事者則學之教諭鄭珙訓
導周禮陳璫也學既成侯諏日之吉將幸其儉吏譔生釋采以落之而以
書來告曰吾之新是學諸父兄之力也幸為之記以永厥功且有以教其
子弟使有所與起為予惟今之為政不得罪巨室者寡矣况能出彼所有
以相吾之與作者乎靈台子來侯其道之爾諸父兄能率侯之令為所當
為其視昔之立義塾者亦無愧焉皆可書也已若乃侯之所教崇正學斥
非鬼表先哲為前人之所未為以新士習以作士志則其可書又不但一
時與作之功也嗚呼賡哉彼邑之子弟學於是為宜何如其興起耶念文
昌之不屋必有以弄筆墨微利達為羞者仰先哲之道風必有起高山景
行之思者望宮牆之數仞又必有求所以入其門而見宗廟之美百官之
富者有感於中不能自已而蚤夜孜孜跂及焉則小而正休前烈大而為
賢為聖夫豈無其人歟敢書諸石以俟若前代建
學之始與其廢與本末已有記之者茲不復云
正德十四年知縣胡訪

才重修學宮 嘉靖五年知縣李邦直毀學前老君堂闢神道二十丈名

執笏街導南山水九曲入洋池名文秀水吏部尚書楊旦記畧先是學宮

道宮正當南向堪輿家以為不利科第李侯因乎眾志徙之左偏更廓之
亘二十丈名執笏街仍於碧嶺上流引長生方水達於洋池名文秀水諸

所需一不以煩民募材鳩工不踰時而告成紳士悅之立碑記績廉取志
名所稱長生水即縉志所圖淡竹間水也舊匯西苑門內按鄭志淡竹周
水自西寬流入縣境陰陽家云是水於縣最吉通則多產八材奉東洲之
引流則教文也其後四十五年知縣陳應春建亭其中曰敬一以御製敬
一箴及所註五箴藏焉論者又謂不利隆慶年間因移御製於藏書閣而
亭尋燬今所拓之基幸而不改其故規模闕敬東洲實為首庸矣按以其
自丁方來故名救文本記以為文秀傳襲之訛也碧巖上流却茶院坑其
水西北流至馬廠橋左折而趨東橋一大曲矣引流者由茶院坑擊石為
澗直趨城中至馬廠橋為大水所界因以石
澗渡之遺跡尚存碑記所載亦不敢擅易也
十三年知縣吳希孟從建藏
書閣於明倫堂後
十五年知縣王遵邑人張大需重修明倫堂易藏書
閣復置義田
三十九年知縣王用楨邑人張文定建啟聖公祠復修先
師廟及櫺星門王用楨碑記國家敷化石文設學校造士士知向方遠及
師廟及櫺星門齊民亦至其為敷化之功不誣而埋之在人必者終不晦
蝕而自鑿也嘉靖庚申春予膺朝命茲東土職惟師帥思以編飭化
原乃視泰之三日首詣學宮黌宇峻聳金壁黝壘丹漆惟師帥思以編飭化
濟彬彬教之飭也制度之飾也爰詢故實明倫堂舊基卑下四室若坎
見峯岳固或萃其華秀代有英碩亦致之自人而地不與焉用弗能

茲多士我南充嘉江王公台慈土深慮無以振起迅奮思濟之峻崇以萃
凝完氣昭受靈貺願以禮為倡義民張大需即以義應捐資數百金培其
基高六尺有咫綠砌以石周圍數十丈隆其棟宇高敞洪豁更樹奎壁樓
於堂後前修廟宇翼翼巍巍實壯於東南不費於官不分毫假借於人若
理家事謹謹焉圖書夜懈以克有成功以真麗輝耀至今日地益高氣益
廓張風會益完聚鍾毓靈秀東士相繼登甲科乃數倍常時不可謂非張
氏之力尤慮不能利久遠廣撥膏腴田若干畝在城北陔充修飾費其心義
其慮遠鑿鑿乎君子事業也茲辛酉歲余冰上命創建啟聖公祠方觀其
人義民之子文定率父餘緒捐資營造併文廟櫺星門咸振飾之因得乃
父之詳爰記其概因以告夫東人傳曰尊尊為善者舜之徒也夫舜大聖
人也人之去聖人也亦遠矣一為善而遂為之徒亦以張氏其善心之
是而充之而善不可勝用矣其不為舜之徒乎若張氏吾方嘉其善心之
生也積而至於每事皆善則何用不減東人士亦皆心張氏之心則人皆
君子矣化民成俗本必無小補也奚啻相文運副具賢而已哉國家建設
之意信有以作人而理之在人心者果不泯也由是堂
永新而田不廢其資鍾毓尤永永無斃矣遂命書諸石
四十五年知縣陳
應春重建鄉賢祠在文廟西南成化志初建名宦祠邑人太學生湯日躋
重建西廡張慕渠記邑東陽廟學崇祀惟謹乃歲旱相仍又風簡翠育
禪竭不能以時葺西廡頽垣蔓草荒穢陳侯應春慨然以歲舉

非時為蕙湯生日躋願代經理遂掃垣宇而鼎新之其壇九十尺崇十有
五尺畫棟朱甍崇廣如塘之數中為神廟十有二神牌四十有九蓋自
六日而工完邑之士民咸以作新廟學歸功於後而以隆慶二年邑人
奉公崇義者歸湯君也是可知倡率之祀感應之理矣
學生趙祖綰重建先師廟復置義田鄭準記修文廟者國子生趙祖綰也
始竣於是學師若弟子相率來徵詩也而為之記曰趙子斯學率矣
初謁廟也鳩工庀材充物於庭下子意前令所經營耳進諸僚佐而詢之
則曰否也公家財賦民力告彈趙某輸其資以新之今就緒矣予時蓋甚
訝焉夫重民力者孰春秋若哉魯僖常復闕宮矣修泮宮矣而經不書說
者謂宗廟學校首務也即有與作常事也若曰民力非所計為耳夫學校
之重與宗廟等壞不亟修過矣奈何以財賦解耶蓋予配事數月校出納
量盈縮而乃始幸有趙子也吾聞其始事也匠氏計曰因而葺之百餘
足矣則撤其舊而新是國而所費五倍其初懼不可久也落成之日款然
煥然金曰是足以久矣則又劃田若干以其歲入為特葺費求為可絀也
前後所輸中人之產凡幾矣則壹取諸私因即議所以任之者亦望御為
惡不出於身也噫迹若所為異夫尚飾觀聽以獵時譽者乎是舉也廟貌
鼎革儒林萃渙濟濟彬彬文運載高非士之倡歟矣矣斯構誰共作之須
材不聞賦工不知非民之庇歟時既訖矣舉則曷矣望其成而於為登
降非有司之賴歟市義以歸邦族鐘之彼崇私積而息公舉者可以此願

矣非風俗之勸歟具是數美用聞於有位前此則分守大憲張公以撫民
至寶創其議同知府事蔣公以署篆至寶贊其決此其成也督撫都臺谷
公巡按御史周公方伯郭公廉憲陳公提學憲劉公巡憲劉公水利
僉憲李公金華太府葉公交相獎引之而趙子義聞編全斯矣昔泮宮之
役春秋沒之常事不足紀也泮水之頌詩則取之美舉足彰也設有不治
民而任若事不用民而成厥功者斯豈可為常而美不允多哉趙子之事
不可使泯泯明矣夫修廢墜宏文治以迪多士者予之職也修文詞讚成
功以圖不朽者文學之職也俾趙子職其事俾予職其辭不其交爽歟復
自念曰已不事事矣而惜辭費乎遂書其事
三年重修大成殿復建兩廡
勅諸石俾後世有述云隆慶庚午月日記
極垂訓其道大而近人洎其成也
櫺星門金淵記孔子繼二帝三王以立極垂訓其道大而近人洎其成也
不建學造士使之誦習先師之訓以修身而輔世學之中皆有廟為祀其
先師配以具體之賢而七十子之有一體者或附食於左右兩廡明有宗
也唐宋以來追崇之禮有加彌隆然文宣之謚不備大成之尊不明位不
在而稱王不順胥無協於宗祀先師之義我朝嘉靖間議禮折衷特正其
號曰至聖先師孔子於予師道其宜矣夫聖人之道昭如日星宜不待廟
所必存也而古之善規人國者恆視其所宗然則斯廟之作豈非治道之
靖正號之後雖嘗葺治而僅取於飾觀是以盡積盡極學道君子所為大

成而垂圖焉者也隆慶己巳夏四月今南刑部員外郎姑蘇蔣君夢龍所以
二府來著邑事謀新斯廟而時誦以為憂邑人太學生趙祖綰者願出所
有鄭君之其白當道咸曰義士也也作而師廟之是在有司擬下趙君
鄭君進而禮之曰有司事也而吾子為之得無舛乎趙生曰館荷天賜
禮其先師而教焉國視兩廡橋門皆外治而中益則曰始哉有司諸
功也命日三旬而趙生聞而請曰有是哉夫予之慮也而館請終日始
數十家之產而無少吝是以前後所輸白金以兩計者八百有奇捐於
備時安能作其志而好義有終如耶非當道有司尊師重道之誠福幸
上亦安能作其志而好義有終如耶非當道有司尊師重道之誠福幸於
按御史謝公方伯姚公廉憲有謝公分守道公成嘉祖生之義程其
為邑人風且謂邑之極明宜有神以命而守道公成嘉祖生之義程其
教因民之性而改迪民性也斯廟之作也為而命而守道公成嘉祖生
先假聖神之改迪民性也斯廟之作也為而命而守道公成嘉祖生
德之後監臨於上者布紀綱而振作之崇聖貞德意相君底其績而當
政所以靖其職而先昭其道而承贊承德忠孝之心也他若敦翁華亭孫

寅訓導馬湖安惟遠九江張銘則日遊先師之門以明章聖教其於
經營之勞與有相焉是亦得并書者嗟乎聖人之道大而近人人心為
有之不敬事肅肅新廟於昭聖神有人心者宜於此焉興矣端神苟以
敢不敬則禮讓相觀德義交奮而風俗成人材出矣况士歸而求之
一敬則禮讓相觀德義交奮而風俗成人材出矣况士歸而求之應上
貫其則不遠又惡知無望宮牆而優入其奧者乎是判之所學道記
同歸也逆為之記萬歷四年知縣趙善政疏復文秀水之南有勒馬
俾刻石以侯云如屏如障為一邑勝觀而水流石為隄分其支南入於
簪列霄漢間如屏如障為一邑勝觀而水流石為隄分其支南入於
迤而東洩於城右者西溪也西溪上流累石為隄分其支南入於
九曲環抱於學宮之前者文秀水也水故名淡竹澗考諸邑乘謂澗水
城多產賢才嘉靖初東洲李公邦直嘗疏是久傾圮水湮塞弗流至是
才輩出而我東科第始稍甲於郡顧歲久傾圮水湮塞弗流至是
通庠諸士請於邑為修復之舉邑於一郡顧歲久傾圮水湮塞弗流至是
有司青也別事關水循故道流冷然瑩然乃為軒趙侯慨然作曰夫
千百禩復則秀聚矣秀聚則文興矣東庠科第將與茲水相與窮矣
喜曰水復則秀聚矣秀聚則文興矣東庠科第將與茲水相與窮矣
不紀乃徐友宗堯金友大綱等以澤灑我東庠科第將與茲水相與窮矣
余曰喜是也豈徒科第之盛衰係之哉而趙侯作士之意又豈徒科第

劉文卿改建學門始作輝壁樓縣令黃季成成之盧洪春記其頌曰兩

曲如帶如組樓當其前若吞若吐振起文風遊跡往古蕭畫三十三

曾守工良心苦芳猷徽烈水被東土尸之祝之在河之許三十三

修學宮郭一鶚記畧成化戊戌繆公營精學校時趙孟實首捐重資成之

學明勤復慨然助巨材義金若干朝夕勞瘁視如己構知趙氏代有明德

閩孟實祖綰之風而興起者多矣其時盧生仲魏郭生文迪三太學並有

成勞而趙太學苦心較甚及陳張李許等交相助於是乎重修歲經閣

橋星門者有木香之李修啟聖祠者有寬西之金創宰牲亭者有寬西之

杜他如東湖胡上湖何修東齋塢頭王修西齋七都王修文忠祠縣北徐

修儀門牆路縣東章修洋池石橋譬之一夫善射百夫決拾舉數百年之

經營與數百千緡之經費一旦百堵雲興諸工鳩集規模具備炳然更新

豈非創義者樹之鵠哉經始落成漸次三載都人士羣以歸功予而予無

有也丙午春太學生之族主政如城公詢及邑中義四十七年重修洋橋

助姓名而以予終始是役不可無言以紀因特叙之疏九曲水

疏九曲水許宏綱記昔漢明帝尊禮五更敷臨太學一時環橋門而觀聽

直觀美已乎又按蔡中郎明堂之制壁繞太學象教化於風波也吾邑背

水面山岸在邑治東南費門壯施之外左右闕如其門而址虛曠幾於奉

營園以照牆先采形家言遠疏淡竹間之水盈剛穿郭及是壘九曲以八

像灑於洋池而外衛之以柵自柵壞而恣為民濶牧之場穢於前壘前土

癸開全廟改觀議猶闕此其年洋橋則校後韋氏所建亦歲久而圯夫九

曲瀦秀於人文洋橋舉趾於雲路橋崩而洋堤傾頽計迫未遠國乃郡侯

非所以肅瞻啟運也客歲張侯及橋之前以省闈廷計迫未遠國乃郡侯

胡公來視邑事始至則陳俎豆而興嘆既歷三時愷悌旁流於皇錫豐乃

遽進庠之師生議庠師汪君洋文浩安人也世精景純之卜先尊人司教

泉之惠水兩有所釐正刻期證元靡不奇中師發其覆以懸新吾東恣若

左券侯據所指陳捐俸先資適會稽錢君佐尤精天玉之術侯亦揚然令

共伸其所欲仍以諸生徐天民徐宇趙明東吳趙忠葵董其事惟事之

瑟鑿而不畫於工惟石之堅完而不縮於值哀稱其表悠然駕璘璧於綠

波矣其九曲也改水由辛庚而入由震艮而出左右各周其術藩援既固

泮深長流登橋睇盼慶雲燿燿矣肇工初夏越六月而告竣總會厥費約

九十餘金蓋闈卦分否泰傳原與廢數也詩詠自求多福易稱盈缶終吉

言人之制乎數也吾邑構運偶屯遇侯轉之勉梅多士篤盈缶之學而求

配命之福庶其嗣永春惠安之芳躅乎是役也烏傷令吳君尚默踵侯視

篆克成厥功邑尉毛德壯彈力捐緡邑簿朱肇欽嗣至先後一轍並有勞

舉例得書因董事之徵言而記其事侯諱宣臣別號振瑛直隸江都人

也記已而為之頌曰菁菁者莪在寬之阿參差芹藻翠帶阿耶子以米之

九曲微波微波九曲桃李流花映牆數仞浸壁沈霞璽瑛駕梁燕雲壺壺

瑤光波能錫漢遼迤起蟄見龍不顯多士爰有瓊甌爰布茲池紆流曲隈
澤垢叢之豈其面牆而聽勿治風雲蕩條翳誰之貽五驛別駕示我周行
隼旟符符熊鈴鐙鏘思樂泮水金玉斯煌鼎鼐天啟五年教諭李經
國有舊章或基之悟或嗣之方准誓旦旦殿東之陽
世修學宮 崇正十二年教諭劉振之訓導彭如朝修 十二年彭如朝
飭祭器覈學田正從祀位

國朝順治六年知縣潘士璜訓導金英重修金英記先是吳宦學壯麗甲他
堂齋廬半鞠茂草予抱書渡江以來披蓬蒿入居雖風雨不蔽意常晏如
顧常瞿然於聖賢之居未還舊觀也今邑大夫潘公來請之慨然捐俸予
乃鳩工始門繼堂從吉向也中事聖宮及兩廡次尊經閣以學門魁樓終
為齋廳事稍整之旁暨垣墻間以修葺肇功暮春訖功季夏約其費六十
餘金而梁榑執鐵赤白堊木石土工之資咸取給焉聖宮新瓦則政陳侯
助也邑好義李氏葺樞星門予薄捐俸五兩作廟額而塗以丹金役既竣
綜其事以報潘公以見天下事
篤誠而為之廢固不舉有如此十七年庠生吳良棊倡募重建明倫堂築
黌牆趙行記畧三代之制庠序學校異名同歸曰皆所以明人倫也有宋
之盛詔天下州縣皆即廟建學於是予為之講堂而名之曰明倫循

通志卷之十 卷之十 改治志六 學校 十七

其名按其義昭昭乎日星之麗於天迄今而莫之能改矣其後又以白
鹿遺規所稱五教者列諸其中自為學之序以至修身處事按物之方無
不備具則猶夫唐虞三代之遺也而當事大夫知嚴師儒重學校以是志
冊所載歷代修建踵事有加班班可考焉無他此人心之所聚而學校所
由興也明季以來數經寇亂子矜城闕苟延身家旦夕之計雜羣索居不
知所以自奮而倫教輕積輕成積既成盡堂之圯也自有自來矣吳生良
棊作而言曰吾誠置身於聖人之門牆而忍坐視若此遂告學師王公楫
吳公月將以上於邑大夫論於諸文學請以百金為之倡而次第訂資焉
於是眾皆歡然而無難者而湯子蔣子王子徐子吳子輩相以輔之購豫
章之材伐堅貞之石植之以棟礎飾之以丹黝松栢有挺細大畢舉其為
時也始於辛丑之初春而訖於是秋之杪其計工也萬有贏其為緡也倍
千而緡矣其為力也勤其為事也義斯其為崇聖人之門牆而羽翼乎聖
人之教者乎有志於人倫者必將有聞其風而興起者循斯堂之
名按斯堂之義吾惡知夫倫之明而教之與其弗造基於是也 康熙二
年復建先師廟及兩廡遂建啟聖公祠趙行記畧廟制雕鏤文采不逮於
者為啟聖祠教諭何國琦更捐工費為周垣若干尺其至聖神座與配哲
諸廚及東西廡各有崇助玉山胡尚章兩廡三間由山中斧造以出尺寸
不爽焉而在城則王道源倡義獨先張光忠捐金特厚云十六年十二月
合學生員蔣琦王模等具呈本學祭飭生員吳良棊見學宮之頽圯矣心

力以重修始建明倫堂造先師廟捐助之外訪募多方以致殿廡
 既成明倫之堂越三年甲辰復有事於文廟葺其材合其土重其第也
 明年四月告成啟聖祠東西廡碑座之類皆新之蓋自明隆慶初先太學
 少屋公手建以來迄今垂百年凡延楹榭歷久而不能無議者以今時
 財力彈匱稍補葺以需後之人而吳子以為苟且從事不憚於心莫若
 更新焉於是八山選名材不憚數百里奔走學工師之良者與之俱
 糾率遲之又久而告成功庶幾其慎於心已吳子之為是亦祇以求自
 爾敢曰聖人與我哉顧人則樂稱道之適以邑乘之役職在編摩旁搜
 取於學校中三致意焉杜時等記憲謹按聖殿明倫學舍廊廡種種再
 成於吳君廷敷而壯其氣者則張君汝良況學校之修張氏世奉其功
 上世高祖張惟楨建造明倫堂則在成化三年太祖張孟昭繼其事則在
 成化九年太祖叔祖張大需重修學校樹藏書閣置義田則在嘉靖十五年
 載在縣志班班可考今汝良振前人之迹以奮起赴義故能相翼聖教如
 此其切也汝良生平樂善好施賑飢濟乏橋梁之修寺觀之蓋葬埋之捲
 隨其所觸皆布其惠善不勝書而獨志其首事於學宮者以淑一邑與濟
 一人其大小十年庠生木香李元毅李長春李瑾修廟門邑李隱君諱
 固懸殊也當年重建戟門於前義士也今第九世孫某等又大修戟門於後賢商也
 故命勒之石以美之且以示來者乾隆五年嘉慶十五年道光五年十三

年李氏裔 十七年知縣胡啟甲捐俸重修先師廟 十九年知縣俞允撰
 孫遜修 成之又募建鄉賢名宦祠

樓神之所而習焉不察如此是何可使聞於鄰國乎其並圖之於是學博
 節君憲章施君之傑文學吳良柎蔣珩王楷等修復之

雍正二年知縣龐璽奉文建忠義祠 乾隆五年知縣馬天爵太學生王
 煒健重修學宮

吳大煒記學校之設所以養人才振興倫教事綦重哉我

列聖相承尊

師重道凡

國學

關里疊經

領帑興修典禮優崇超越前代余曩宰楚之淑浦嗣補豫之西華凡攝視隣蒙

所歷非一每受事必以學校為先務朔望瞻謁見有殘缺即力為修葺
 學經兵燹之後鞠為茂草余獨資修整煥然一新蓋惟恐廟貌勿廢致干
 曠職慢

聖之告此意歷久勿懈也迨辭五斗退就一廛於辛亥夏掌教茲邑始至恭謁

夫廟梁木將頽左右楹柱而盈簷朽敗摧落更不勝舉余感然而退焉怪

前人何以坐視其廢壞不一動念隨即詳請各憲委員勸估所需費用計

有成數無如奉飭勸捐之人應募余益復憂懼於是廣咨博訪知邑有太

學生王君焯健素稱好義且聞邑志從前修學其祖道源父楷皆與其事

遂向王君而告之曰學廟將圯勢不可以再延前屆修學君先世著書成

勞學廟廢則君之先德且與俱廢君得毋意乎王君曰然某之籌此已

矣聞計費需金五百以五百金之費責於眾捐既難猝辦且合眾力以圖

事人各異議告成無日矣吾師能排眾議親綜其事其當獨任余曰善遂

偕司訓程君白於邑侯馬公公亦欣然喜即以王名陳於各憲或嘉王君

義備荷優獎君之家嗣太學正誼年少有為勇於任事庀材鳩工克期而

集將撤舊而圖新不謂向所指為完固者亦盡蝕中空不可復用計費約

須增培余聞之愕然顧謂王君曰一邑之事案君獨任已屬非情今費月

增培奈何王君曰某既身任豈以費增中較第採辦需時惟緩其程可耳

余聞之益更喜王君復出資分路購取未幾良材並集眾力惟勤經始於

乾隆元年二月落成於三年核實所費輸用白金計兩一千一百有奇自

殿廡以及宮牆輝煌奪目諸紳士以王君之功不可泯請余移牒上陳登

撫大憲亦以為難能據以入

告敕 部議叙俾以主簿七缺錄用遠近傳聞稱為僅事余唯學工告竣

生輝爵賞所頒耳目咸屬自茲以往率土慕義人知向方敬特學廟可以

壯觀而奠倫攸叙野多賢良皆可於是度操具券矣余與程君並藉三君

道光東陽縣志 卷之十 十九

聖之咎謂非厚章予因記其成事之始末勒石以垂永久若夫襄事之勤諸紳

士均有力焉文不 二十八 年知縣李德舉重修學宮疏濬九曲水邑人蔣

其載別書碑陰 正誼修揮壁樓 嘉慶四年知縣徐傳一重建忠義祠 六年重建尊經

閣并於明倫堂左右造東西齋各三楹 知府嚴榮尊經閣記東陽向無尊

藏書閣於明倫堂後明崇正閣毀 經閣宋治熙六年邑宰王袿始集

閣初順治六年重加修葺旋亦圯迄今百數十年盡為荒蕪叢莽而經籍則度

於輝映樓榭宜之計也嘉慶辛酉徐君宰邑二年創重建之議獨廉翰傳

商之廣文李錢二君諏吉祀之庀材鳩工經始於辛酉二月歲事於壬戌

十月計費二千四百餘緡為閣二層崇四仞有奇廣七仞有奇深半廣之

數支以石柱圍以文枲棟椽檼各稱其制乃易藏書為尊經稱各學例

也余因公至邑登閣周覽溪山秀麗顧謂諸生曰創制設教當事於實也

砥行立名士君子事也茲邑自宋迄明代有聞人或以理學名家或以博

通自負其昭著於志乘者諸生當亦耳熟之湖往哲之流風服先疇之節

稽吾願諸君子共勉之而已夫教私於一家則一家之子若孫被其澤敷

廣於天下則天下之民人被其澤教行於一邑則一邑之人士被其澤教

國家文教罕敷經史子集無不搜羅窮究委之遺編實國書之林府尊經閣之

建道原乎萬古化字於一鄉苟萃一鄉之善士而手披口誦洵泗道善以植希賢希聖之基須不負當事者制作之盛心焉是固也成吾為此邦士大夫幸亦即為守此土幸也爰允所請而記其巔末如此徐君名傳一葉山人李君名如蘭仁和人錢君名均會稽人嘉慶八年歲在癸亥二月朔

十一年洋東徐匡山常助門樓前照牆基 十二年蔣經選修揮臺樓

十三年知縣向肇蔭例貢生張洪培重建崇聖祠 向肇蔭記 崇聖祠后大成殿之東偏明嘉清

閩邑人張文廷所建也

國初康熙二年張光忠重修之垂今百五十餘載矣學師李芝田謝繼樓兩先生偕諸庠俊議釐金修之光忠之元孫洪培毅然引為己任獨購千金聚材鳩工躬親勞勩閱歲始成其事門庭崇嚴丹雘煥煥規模視舊更為宏廓春秋肅將祀事幽明咸順神人胥慶也於是邑之矜士請伐石記之余閱人多矣慷慨尚義者所在多有固未見孳孳為善世濟其美歷數百年如一日者也顧或謂聖人之道亘萬古而常新原不待廟而在則修祠與裨於修道求聖人之道於祠柳末矣循是說也則人將視學校為任宦之傳舍也然而不慮其如此者何也則以事莫不有其本所由來不可誣也道之大原出於天聖人修而明之使明知趨於正故為之廟以報祀聖人而聖人之身本於祖祀聖人而不及其先於尊崇之道猶未也故更立之祠使民不忘其初當夫儒士祀祀峻奔在廟咸知子雖魯聖不先父食之

義而此身之所從來可以思矣故揚名以顯父而而立身行道之學基於此矣聖人作孝經謂孝莫大於嚴父此物此志也然則修祠即謂之修道可張氏之世有功於名教也豈淺鮮哉予聞張氏唐忠愍公之裔也昔人有言有隱行者必有昭名有陰德者必有陽報然則張氏之為行好義正未有父而即末以探本因流以溯源不亦深且遠哉嘉慶十三年戊辰立冬後三日記 十五年知縣向肇蔭貢生金

立肇重修大成殿 向肇蔭記

朝廷所以重學校者謂積天下之道德聖天下之儀則以明人倫以善風俗以育賢材悉由於此有司奉行而修舉為豈直備文具為觀美哉亦因是而已矣東邑舊有學宮歲久就圯而殿之西北角尤甚謀所以重新之而所費不資取之公則形露肘歎之民則涉吮膏昔人有言事以緩而實急費雖奢而難者不信然乎邑首生金立畫尚義士也毅然以獨建為請易其靈廟正其傾欹詔棟樑以堅美詔門庭以崇嚴詔應阿以軒朗詔丹雘以炳煥經始於己巳四月落成於庚午三月不費公帑不煩院召使埃燕其象頭還堂皇之觀其羽翊名教抑何勇歎東陽為葵邑自宋以來頌儒生以文學聲馳四表故世稱小鄒魯云他以功名焜耀於皇路者更難僕數今豈必異於古所云耶學之染人也甚於丹青響應之理蓋若梓行見青衿之士親懷雅術洙泗之風於焉復盛多士後先為麟鳳以瑞國家長民者使孝弟達於鄉黨政教行於邦家用以成風俗之美觀治化之盛

必曰珠金子之崇道重義不及此類水之頌詩則美之是役也烏谷已於
言哉昔羊叔子令閣令望與崑山而並傳杜將軍好為後世名嘗刻石崑
山之上自紀功德今學宮之前東西二山亦以崑名吾謂金子義聲之昭
著亦將與斯山而俱永矣維時官斯土者例得備書知縣王會清雲南蒙
自人戊辰進士教諭李如蘭杭州仁和人乾隆乙酉舉人戊辰會試學正
己巳助教署教諭朱華嘉興桐鄉人訓導謝雲鄉紹興山陰人己酉舉人
侯選知縣縣丞廖皆堂江西石城人由軍訓導謝雲鄉紹興山陰人己酉舉人
功議叙出身典史蔡立修江西廬陵人訓導謝雲鄉紹興山陰人己酉舉人

道光五年知縣陳履和邑紳營千總章鼇同弟章溶重修大成殿兩廡
楹星門禮門明倫堂趙崇榮記國有典憲與學所以明倫俗之選潔明
學以來

廟制惟古崇飾有加我

朝表彰

聖道崇禮師儒

聖聖相承
良章褒錫育材養士古無倫比應事修葺勒石備載東陽為子朱子所遊處東萊
白雲所會講五經分教三壺承傳於是為託乃自嘉慶十五年金君修理
後僅十數年而宮牆兩廡日就頹側歲時趨踰動虞傾越豈非官斯土者

道光東陽縣志

卷之十

政治志六

學校

二十一

之責而卿士大夫所當亟固者耶道光二年學博鄭煥謝雲卿牒事於縣
劉侯銘通詳並申明有捐資獨修者以聞會蜀南李公世綏撫縣事郡庠
章鼇商諸其弟溶以名上咸報可遂涓吉於其年十月落成於四年十有
二月時邑侯陳公履和南淮任二年橋工庀材加之獎勵章君夙與視事
如已堂構黻座朱几嚴事有容法度端肅城平鞏密外敞正門楹星昭煥
先於其年之七月日恭復

聖位

以俟吹丁釋奠之禮侯帥儒師潔齋浴皂牲幣有飭法齊莖芬
顧歆維肅維穆觀者欣慕至於咏蹈既成事書來屬記巔末惟榮與鼇誼
屬葭葦落為鼇季父弟敦睦式好友恭一心故克終始歲事無藉勸勉然
則與學所以明倫而惟明倫乃能與學聖教之入人心歟人心之在聖教

也君子謂章氏兄弟有古風焉榮適清軍吳城未獲躬親其事竊聞陳侯
初任太谷有政聲今宰東陽時和政臨百廢具舉章氏兄弟能自振拔為
名教中人益足以徵
至治涵濡作育人材之效繼自今必有紹古儒先而興起者謂非吾鄉之幸歟
遂郵以為記十三年東六年署教諭嚴繼先重修鄉賢名宦祠十七年
廡毀於風又皆重修之

復疏文秀水盧柏記前明李東洲導南山水迤邐入城至學前作九曲
連歲旱暵農民涸水溉田遂致於塞十七年春虞山蔣君蒞任會集諸生

國朝定鼎幾二百年運會昌明人才薈萃山水鍾靈於茲概見道光十四五年

商復濟閩不日仍其舊由是源泉混混青剛冷蘇東
人士鑑之而深身浴德安見人傑之不由於也聖政
東印書院 舊名吳宣道光二 在治東五十步即舊松寮分司址

國朝乾隆二十四年邑令施廷燦捐建二十七年邑令李德舉成之榜曰定志

堂今院東附樓上層定志堂記 滋陵施侯之宰東陽也蓋萃其前數十年
強幹故吏胥不能欺廉靖放民以足不欺而足治以大著遂建書院於縣
治之東偏以為學者講肄之所未成而侯去誠親津李侯繼之侯文學士
也下車則大興學校曰學人才之本也而已而繕書院延師以教之使來
學者講習有所并靈有處血物几庫適取而具而復揭於其堂曰定志之
堂夫天下之務無窮而道之所由以一者則志為而已矣志乎義者雖都
天下之爵食天下之祿而君子不以非利也學於是者諱詩書明道德考古今治
亂之蹟作為文章以出而試於人固宜有用於天下然而其道有不可不
辨昔者三代之治天下也其君政以大德大賢為天下之所命而其時學者
則知為己而已不知為人也及其學之成知賢德之在我昔者為當出而治
天下而已不知其有可以利之也故其時賢德可以為天下之宰而治
足以養一官授一邑者其於天下亦不待而謝其責不必其謀此海而

道光縣志 卷之十 治志 二二

道苟在我即以為責之在我而已夫後之學前則不復當始就學時已於
先王之道德經濟但期能有以知之與有以言之以取必於他日之程澤
富貴而於先王之道足以修己而治人者已矣且志之所向非不出於此
嗚呼即又為觀其為賢且德也蓋學猶之水也掛帆以濟乎河不旋足謀
而惟徒楫之疾風一至北首者揚颶帆者掀浪矣此志之不可不定
也不然東陽先正若為文惠李正節張中泰嘉言繼行其在方策雖不能
遽至尚庶幾為施侯諱廷燦字某錄黃旗漢軍李侯諱德舉字某武邑縣
人其治東陽皆號有方者也

捐助田畝 一都四保伍田五畝一分九釐五毫 三都八保伍田四畝一
分四釐 六十四都十保伍田七畝零七釐五毫 六十五都
一保伍田十畝零八釐四毫 六十六都伍田四畝一分八釐一毫

孝子章名位捐助鄉會試卷資田畝 義邑四都麗字號正田三十九畝八

塘一分二釐八毫民塘一畝止 珍字號晉田一畝五分五釐民塘六釐
亭字號官田八畝六分二釐六毫晉田六分九釐五分九釐四毫民塘
三畝五分二釐 水字號民地一畝五分五釐八毫屋一所坐廿三里街

十五都州同知程周序捐助閩邑考試卷資田畝 二都一保官田二畝六
分九釐一毫伍田二十

六畝三分八釐七毫二絲民地三分五釐民塘一畝零九釐
八保伍田七畝四分二釐九毫從田八分九釐四毫民塘五分
都一保官田三分六釐六毫僧田二畝二分三釐九毫五絲伍田一項二
畝五分四釐七毫五絲民地二畝八分八釐一毫民塘七畝二分九釐七
毫四保民塘二畝六十八都一保官田一畝一分三釐四毫從田六十
六畝三分二毫民地一畝一分一釐民塘四畝七分六釐九毫

試院 在縣治東萃英坊嘉慶二十四年知縣向肇隆倡捐建

國家以經義取士必有考校專地園以垣牆而深閉之昭慎重也而童試在
邑例不得與春秋二闈歲科兩試同故校藝多無專所婺州八邑惟金華
附郡得借試於督學院中餘皆邑令公廨而已東邑公廨頗稱廢落然實
以千餘人當事不能多為坐具因令自攜椅桌出入而童生終日構思神
力交疲復令手攜背負於夜闌燈地之餘即不遇疾風甚雨而因已甚矣
己巳春楚北向令雲君肇隆蒞東名進士也慨然有創建考棚之議捐廉
千兩以為鳴矢滇南進士王令雲濤會清繼任遂製弁言於簿俾紳士持
以釀金四方前司鐸李君如蘭贊勸之東人曰此千載未有之盛事也不
可無以成之因胥宇於邑東之萃英坊以向令所捐構民家舊居撤之監
生章瑞芝以父昌崇遺命捐地於右鳳山樓氏捐常地於左童生嚴翼以
百緡為邑人倡偉哉始基之矣因而盧氏任建大堂張氏任建儀門韋氏
任建頭門杜氏任建川堂李氏任建內廳其餘任建號舍齋桌者或四五

間或二三間最後有助照牆及餘地者而規模益稱其間倘田或數十畝
或數畝捨錢或數百緡或百緡或數十緡積累而息之可以為善後地是
役也詎告相宇鳩工庀材度支出入沿鄉勸輸諒非一朝一夕之故司事
者莫不踴躍累義秉公心以分任其勞計其時經始於嘉慶己巳年三月
歲事於嘉慶己卯年十月取多而用宏日久而功大邑城之東歸然巨觀
閱千百年濡毫吮墨於其中者可以大花而開顏矣惟時廣文雲帆李吳
和醒樓謝雲卿來謁為余備詳願末且道東人請記之意余於是為東人
美且為東人勗也夫十三經學之根基子史集學之藻飾童而習之可以
小成壯而行之可以大成東邑人文淵藪理學文章節義或窺聖賢之堂
階或肩王朝之柱石久以前後相望而必於童試發其端善其始蓋出身
誠不可苟也應試者毋徒喜發軔之有所主試者如良工程材可不矢公
矢明哉至閭邑輸戶登輸數多寡另詳於後傳諸奕世俾知一時好義樂
輸如此且永頌

二令作新功也

捐助田畝一都田一畝三分七釐八毫地三分一釐九毫 三都田三十

三都田二畝一分一釐 六十一都田一畝五分九釐九毫 六十四都

附歷朝書院義塾

石洞書院 在縣東南五十里宋紹興間邑人郭欽止於洞前建屋一處題

曰石洞書院延龍泉葉適主師席以教族之子弟及鄉里俊秀當時來往

者如朱熹呂祖謙魏了翁陸游諸賢皆有題識見勝蹟由是石洞之名大顯

其從兄良臣亦創西園書院從姪溥亦創南湖書院郭凝妻吳氏創高塘

書院郭伯中創青溪書院又有羅金書院洛陽書院惟石洞為最著石洞

書院記東陽郭君欽止作書院於石洞之下石洞郭氏名山也初洞深複

無行徑薪者給採而已君始以意疏治益前阻崖壁眾不知所為欽止君

遍視其罅遂聞水聲出空中曰嘻是也蓋巖崖百步梯級而後進土開谷

明俄若異境稍復深入臻於曠平則石之高翔俯臨而竹堅木瘦皆不波

於其上水之飛湍瀑流而焦紅蒲綠皆浸灌於其下潭淵之遙行阿嶺之

嵌巽以亭以宇可釣可奕巧智所欲集皆不謀而先成君又葺茂密以崇其

幽植芳妍以絢其陽左右而勢彼此回薄而山之向背曲折陰晴早暮姿

態備矣君其樂之以為山水之美千載而每譽猶趙璧隋珠璞於外而韞

於中也其一日忽彭何異武陵天台顯於今而闕於昔也既而嘆曰吾寒

生也地之偶出於吾廬非賜余者吾其可自奉而遊將使子孫勤而學於

斯學其可以專蓋使鄉里之秀並為於是度為書院禮名士主其學徒家

之藏書以實之儲洞之田為書院之田而斥洞之山為書院之山示郭氏

不敢有也君既卒諸子修之不廢而律請余為記嗟夫郭君遠矣以學遊

而不以物樂厚其身以取合獨而不以地勝私其家也自君之為是至今

五十年成之之難傳之久也遊之與廢家之盛衰占為學之具廢人之

意為始以盡力為終今夫率其聰明傳之文字深以造於性命淺亦重於

於上堂兩甬道樞憲皆具使仰遺址而問山靈者至輒可游游輒可榻其
於吾儒之道蓋肯構者予予懼人僅作山水觀因書是以貽之
年文達之喬復承先志捐資贖買石洞山水觀題石洞書院詩
十二畝以歸書院先賢遺蹟猶賴以存
葉適題石洞書院詩
鎖雲封未敢居若挹風光當豪饌豈同經史伴寒道庭中著老
易無過晚內蘭滋詩有餘只此盡知賢聖樂世間青紫亦空虛
盧格石洞
書院詩
幽壑故精廬名賢會此居歸雲三徑暗斜日一窓虛
學博董肇敷
潤水鳴新樂崖藤學草書百年山下路春雨長園蔬

燕集講堂詩
世家劉向有道經講席遙看對翠屏五畝地傳高士里千年
兼得句夕陽
無錫華炳泰夏日集講堂詩
何必桃源別有天講堂遙在白
雲邊百年蒼桂雙陰合萬古清

流一線延杯酒豈因澆塊壘名山猶待勒
王崇炳石洞書院拜朱文公遺
詩篇眼前不盡為魚趣況有水壺相對懸
和氣定人無語雲淨風消日在
懷
今古相看五百年影堂肅穆典型懸
容江邊昨夜春波動日暮蓬萊子
靜
天講席幾回勞夢寐名山何處叩心傳
草堂流水聽潺湲潺湲自擊磬
船郭時教石洞書院詩
翠壑寒空鎖暮煙
草堂流水聽潺湲潺湲自擊磬
度古松前未家園畫催
門手篆古猶銘鹿洞賢
虛閣涼生千嶂底幽琴聲
詩思徒倚吟成月在川
盧光先紫陽講堂詩
講席當年設千秋重此堂
鴈湖共西月與水俱長石帶

煙霞色林生翰墨香風
光猶是昔瞻眺且相羊

道光東陽縣志 卷之十 政治志六 學校 二五五

安田義塾 在縣南四十里宋高熙中邑人吳文炳建以教宗嫻子弟禮四

方名士以職教事一時耆英多往來其間蘭谿徐畸記
東陽縣治以南四
為所謂安田義學云者其邑人之所稱而元質之所建其地於元質所居
之東可百步云予嘗尋游於元質而得其為人之詳也元質以書抵予於
香籍且屬使予以記其學為甚勤至於歲之辛丑而學之建也則高熙
甲子蓋八年於今矣予謝以非其人不可至三四復之則以譬元質曰受
之所受而力有所及如元質之所為教學其子者善矣而未為至也其事
可書而不勝書也今將紀夫營築之勞費而用材鳩工百役所須歷時幾
何為錢若干雖累萬計不論可也尚將審其面勢而堂筵齋講為屋凡幾
楹而庶幾有亭賓射有圃疏滌有池而樓以藏書庠以儲粟列於左右前
後而蒔果蔬大抵日用所須而其為而諸峯閣於大門為奇秀而松篁
參錯環其三面其幽親閑敞以龍麗乃羣居聚首游藏修息為宜則雖郡
以十數邑以百數所謂家塾者莫尚焉則往來而行視者為能見之若乃
賓客至此而酒醴以為樂其擊鮮刺肥以事煎烹而至者輒留其窮乏者
往往飲食以為養雖累年歲而無倦也則賓朋游從類能言之凡此雖不
有記焉可也所謂不可勝書者也雖然有一於此元質朝而飯蔬抵蕞纒

一肉其自奉為薄也由其積於秒忽之微以饒其資其為生甚艱也而獨於客為厚於教子無所吝是則可書者而未為至也愛與力之所及焉容可為也夫惟念慮所及使凡羣聚游處以食為而肆業於此者以其勤惰通塞為之喜戚無問其為誰者某氏要以修之於此而效之於彼以能有則夫勞費之所計與夫往來朋從之所不能悉知而余得之為詳者以是為記於盛塾而使凡學者益以自勵可乎則曰唯遂為之書元質名文炳吳氏元質蓋其字而余則徐時南夫十二月十有一日記

南園書院

在縣東南四十里宋南渡時邑人蔣明叔建延孔山喬行簡為

師以教族屬子弟及鄉之後進題曰南園書院明叔歿其孫龔又作屋聚

書以廣先志臨叩高定子為記曰余先宮師葉山園於先廬之北聚六經書之有益於人大矣多聞識則德宏私淑艾則行治一身之益也義方之教著為六順禮度之閑積為善慶一家之益也窮閭陋巷士志於學苦無書為於以息游相與講貫子弟從之而孝弟忠信一國慕之而仁慈並與一國之益也不啻惟是一勺水之積蛟龍出為一卷石之多寶藏與焉風以詩書沉浸以理義豈無人為趨然悟渙然釋異時出為世用必將有以竟舜吾君民稷契吾事業則之人也又不特天下國家之益而其益蓋在

萬世矣余先弟識之宜學四方不為獨善自好用無忘先宮師之教一日東陽蔣叔安龔進而言曰龔大父友松居士於敝廬南園為精舍設儲備延茂士使子若孫師事而聚學焉孔山先生喬公經為最高聘往其盟士之來游來歌四面而至日有益月有功大父歿龔為肯堂之義大懼宮室卑庫聞見淺陋無若族閭之士問師請業者何屋未具者崇大之書未備者網羅之堂曰須成聚書合三萬餘卷堂之左師位在焉右為怒齋龔藏修之地也講肄有舍宿從有所庖湫有次學子至之脫履如歸石株竹園如拱如揖草木生意軒豁呈露使人觸物有發無少沾憑其室西偏則為小學斥田繼廩凡可以續五祖者有引無替今若子若弟若兄弟之子若眾子弟皆知鄉方嶄嶄然競趨於善求先厥紹龔亦得以書劍遊人間辱名鄉大夫譽之登進鶴山先生之門嘗與其聚有功見知得為斗食更且稔聞樂城敬兄之論竊謂稱先美而淑後學非先生誰歸敢以書院願末為請余早承父師之訓每唯長育人才如護杞梓內有賢父兄以甲以才為養博文約禮以玉於成外得天下英才直諒多聞以廣其益訓應就造以續天地生生之德相勉為聖賢材能之事是其日夜所息蓋有月異而歲不同克而大之不特兼善天下雖兼善萬世莫不由此在松耐以詩書為田禮義為耨叔安又耐樂善以播之不勸以守之是豈一家一鄉之益而已哉余既嘉其請又樂以宮師所傳告焉叔安識之其益自信溫結三年十一月甲辰記

橫城義塾 在縣西南十五里橫城宋景定間邑人蔣沐建延蛟峯方逢辰

為師四明吳龍朋邑人吳應茂陳一中繼之取考亭白鹿洞規表之堂上

捐藍田呂氏約於鄉者列之堂下月數季考其合格者三十名以前給贈

幣帛書籍餘賞有差礮石題名凡七百餘人元至正間沐四世孫大同復

振先烈前後四十九年橫城義塾之名大著 瀘安方逢辰記 橫城義塾

君沐澤甫之所作也橫城其居之地也其鄉之長衢安恬本東萊水心說

齊岷隱山堂講道之所故東陽至今彬彬多美才澤甫思所以成其美創

義塾招賢師與一鄉之士共之猶以為未大也闔一郡之士皆在為講明

窮理正心修己治人之道以一日習科舉業可謂本末兼該也凡入塾者

不限其來而始入也為陪供生考其德業而陞行供生可謂教養有節也

若夫起居出入有度登降揖遜有數周旋游息有矩條目纖悉備具斬

截截有節縣學之所無者塾成以書來徵予記予嘗謂學而時習之此誦

泗教人第一語也生乎三代人皆有士君子之行秦漢而下斯民也獨非

三代直道之民哉教之無法而不習也古者家有塾黨有庠術有序非家

自為塾也古之致仕者教子弟於閭塾蓋合二十五家而教之閭之塾也

五百家為黨則有庠為五黨為州則有序為人生自八歲教之以小學之

法至十五教之以大學之法自幼至長出入閭闔八乎耳著乎心無非聖

賢之法言而履乎身見乎事無非聖賢之正道猶生長莊獄之間求其不

為齊不可得也何也習也後世國學之外州縣非無學也學非無生徒也

原粟而已矣其則饒為達為厚重薄清為沙之汰之則羣而譁為牧宰

有志於學者亦徒豐其養以為悅而已教法則不敢密規矩則不敢峻士

之身與聖賢之法不相習而責以風俗之美非也今義塾之創所以習於

士君子之行庶乎術序黨庠閭塾之氣象乎予每見釋老氏之廬聚千百

徒拔其徒之一主其上其飲食起居肅然屏氣無敢息者若士之所聚則

視二氏反不及焉學校之有廢與而異端之窟宅所以歷數千百而無

八華書院

附白雲亭

八華精舍

在縣西南四十里元儒許謙講

學之所 八華山在懷德鄉八華環列奇勝獻華舊有景陸庵迎華觀皆佛

明初許和伯兄弟建白雲亭正統初許彥洪重建八華精舍其後許一元

於八華之麓彭山之阿構許白雲講義書曰惟學遊志務時敏厥修乃來

精舍一區曰彭山書院

無能必學而後有所得學者當順遜其志虛心以求專以是為務無時而
不敏則修者即源源而來矣蓋為學之效甚速人病不求耳苟專力以求
之則無時無處非益也其效之速既如是能為信而深念於此攻之逾深
則道之精於身者日盛矣遜志則有細密之功時敏則無間斷之患其來
其精皆自此得之古來論學實始於此因萬世之成憲也然而所學果何
事耶學為聖人而已聖人果何學而至此耶聖人之性非與人殊不過盡倫
之至而已學者以聖人為之標準知其的日行以求其至明其道而不計
其功至於聖賢之分量成效之淺深皆自然而然已不得預也一有計較
期必之心則非所以為學矣且天下之生人也其倫有五曰君臣父子夫婦
長幼朋友五者天下之達道舉天下之事錯綜萬變莫不畢在五倫之中
天之賦人以形即命之以性其類亦有五曰仁義禮智信五者天下之常
道舉天下之理支派萬殊莫不畢在五性之中詩曰天生蒸民有物有則
人倫物之大者也五常物之則也昔者聖人使契為司徒教以人倫父子
有親君臣有義夫婦有別長幼有序朋友有信曰勞之來之臣之直之輔
之翼之外無餘事也又從而振德幼有信曰勞之來之臣之直之輔
君臣之外無餘事也又從而振德幼有信曰勞之來之臣之直之輔
智夫婦所以有合為朋友之心本有此義心本具乎禮長幼所以親為
心而無少虧人倫之事日接於吾身而不能捨此信乎五常之理原具於
也此學之所以當遜志而務時敏也五常之道配乎人倫雖各有所主然

而未嘗不互相為用父子主於仁而深愛和氣愉色婉容是仁之仁父母
有過諫而不逆是仁之義應唯敬對周旋慎齊是仁之禮先意承志樂心
不違是仁之智生敬死哀事親有終是仁之信此子事父之大畧也君臣
主於義而以君成禮弗納於淫為義之禮達不離道澤加於民為義之智託孤寄命
責難於君陳善開邪為義之禮達不離道澤加於民為義之智託孤寄命
節不可奪為義之信此臣事君之大畧也由是而推之保身以盡夫孝致
身以盡夫忠細微委曲莫非五常之用也又廣而推之夫婦之別長幼之序朋友之信五常
臣亦莫非五常之用也又廣而推之夫婦之別長幼之序朋友之信五常
不可勝用矣鈞是人也鈞賦是人也聖人生而知之安而行之眾人則運
而漸遠故效先覺之所為乃可明善而復其初然而天下之理豈易窮天
下之事豈易周非盡博學審問慎思明辨之功不可也自中古君師之職
分則敬敷五教之任不出於司徒而切磋琢磨之功不可也自中古君師之職
開導獎勸誘掖於人欲未萌之先或攻擊淬礪防閑禁遏於天理既虧之
後心之方虛則使戒懼於不睹不聞之際意之初動則使謹慎於己所獨
知之時是以講貫乎仁之理明則父子得其正義之理明則君臣得其正
禮智之理明則夫婦長幼無不得其正矣是故朋友之名雖居五倫之後
而於學問之事實先朋友之職較之四倫若輕而於學問之功實重學者
欲極夫四倫之理宜盡朋友之道欲盡朋友之道在於明夫信而已矣天之
道一於誠其流行則為元亨利貞之道欲盡朋友之道在於明夫信而已矣天之
禮智之綱故曰誠者天道思誠者人道信者誠之異名能盡人之信則可

契於天之誠矣朋友講習非信無以成德也某少而失學長而慕開關
迂疎鹵莽滅裂雖嘗立於碩師之內歷時淺而用功微環顧其中未少有
得諸君過聽強要而來欲以輔仁內實懷愧諸君天資卓犖學有素年
若通似畧無相踰未知所以奉益也然愚平昔誦聖人誨子路知之為知
之不知為不知之語深所服膺每欲以信自守講問辨析有分寸之知故
不傾竭為諸君言苟所不知不敢穿鑿為諸君誑諸君其亦為於信以
天性敦於朋友以求盡人倫交勸互學規心靜明理之本貌恭進德
發非彼得則此得為庶不孤此會也
讓可以求益有善當與人共
有惡勿忘人攻
以上各自省察去其
書毋泛作事毋惰勿相爾汝勿作毋益
石
請互相警省同歸於善幸勿外敬內慢面從背違
山中詩稿 三月十
五夜登迎華觀
夜深來此倚欄干
百里樓臺俯首看
月到中天花影正
露一聲雲外落
幾家兒女夢初殘
按迎華觀山川迥
意遠從知宇宙寬
長
庚辰許一元以文懿此詩
迎華亭邑人樓如
山有記
春暮次韻
陰
據胡床賸喜天
燕密燈張水覆
落花紅浪遠
壘翻秀麥翠
雲長春
磨
絮盡風無力
曉樹枝明
露有光
隨分眼
前生意足
對窓野
草發
幽香
贈王
斗山
骨同斯文
氣味投
春風
芹藻
憶同遊
故人別
後與青
眼此日
相逢嘆
白頭
匣劍光
橫南斗
夜風
梧陰
冷
危山
秋
惟應
且試
連
筆
手
未
許
江

千下秋暮有懷
十有闌干倚翠微
露華寒重逼羅衣
碧天連水思空遠
良
直鉤
應有青霄侶
為遣興
秋日常苦短
秋夜不可闌
葉鳴迅
風晚
盡
零
露
寒
隔雲間
尚獨飛
遺興
月白天
烟
烟
振
夜
起
盤
桓
山
川
出
浮
萍
翳
彼
明
不
完
幽興
中道絕
百感來
無端
何當
謀
豐
隆
致
身
無
羽
翰
清
光
亦
何
私
不
照
方
寸丹
東家有處
子二十不踰
閭
婉
婉
聽
姆
言
將
欲
備
四
德
錦
機
織
曰
文
字
古
人
莫
識
蘭
麝
薰
衣
裳
閨
闈
謹
容
飾
良
人
仰
終
身
宜
不
慎
所
適
膏
沐
豈
為
人
自
修
女
子
職
春
風
榮
眾
芳
秋
露
降
百
草
義
和
策
日
月
急
疾
兩
飛
鳥
枯
桑
號
天
風
俛
仰
波
浩
渺
氣
流
物
隨
化
金
石
不
自
保
人
生
寄
蜉
蝣
時
邁
胡
不
老
天
地
有
終
窮
微
妙
何
足
道
金
華
胡
翰
白
雲
亭
記
距
婆
之
東
百
有
五
十
里
其
邑
為
東
陽
木
至
邑
四
十
里
其
鄉
為
懷
德
有
山
有
曰
八
華
故
文
懿
先
生
講
學
之
所
也
山
之
麓
許
氏
居
之
其
兄
弟
曰
和
伯
曰
晉
仲
伯
溫
伯
恭
自
以
其
生
也
晚
不
及
登
先
生
之
門
幸
嘗
私
淑
諸
人
而
與
有
聞
焉
顧
瞻
遺
躅
日
接
吾
前
又
幸
而
未
泯
則
先
生
之
流
風
餘
韻
被
及
乎
山
水
草
木
者
豈
直
吾
鄉
之
榮
哉
誠
有
慨
於
心
矣
及
度
地
於
山
之
家
橫
亭
曰
白
雲
而
屬
子
以
紀
其
成
白
雲
者
先
生
故
所
自
號
也
因
其
故
號
而
扁
之
尚
德
也
乃
為
之
記
曰
儒
者
之
學
尊
本
明
統
宋
南
渡
以
來
朱
子
嘗
以
是
傳
之
黃
文
肅
公
再
傳
而
為
仁
山
金
公
金
公
至
先
生
蓋
六
傳
矣
延
祐
甲
寅
乙
卯
之
間
天
下
祿
平
日
久
文
治
誕
興
名
公
貴
人
聞
先
生
名
者
爭
欲
辟
致
以
為
時
用
先
生
固
辭
而
侍
御
史
趙
公
宏
偉
駐
節
金
陵
寓
書
願
取
子
弟
以
事
之
先
生
留
金
陵
及
是
乃

歸而從遊益眾以目青不能見客遂屏迹山中諸生歲極荷書從者如放
去淑隘而就爽塏暢塋鬱而挹清曠境與心會以專精所學一時師弟之
間其所得宜何如也今五十餘年矣先生既歿而茲山逸表著於葵余寡
即城日與俚俗雜處囂塵翹首而視夫雲林烟鳥之外安能凌躡其巔而
先生之門則嘗一洒掃矣方是時年少氣銳聞其所聞而莫究其所以開
也見其所見而莫尊其所以見也又況不得聞其所聞而莫究其所以開
事往而世殊志存而力不逮今老矣猶不容已矣嗟哉萬物同宇以生而
人之在天地猶一物耳自幼至老大都不過百歲在天地猶須臾耳以須
臾眇為之身而欲並天地所以立與天地以為終始此非有他不過盡夫
所以為人之道為耳人之所以為人者其理命於天所以為性者五著於
天理存而人欲不得以開之此非儒者之學乎雖先生之受於仁山仁首
之受於魯齋上沂朱子之所傳有不得而窺者豈能外是以為教乎由朱
子之所傳又等而至於河南二程子又等而至於先聖孔子亦豈外是乎
故曰以一物觀萬物以一世觀萬世聖人也聖也者人之至者也人也者
物之至者也知乎至而至之吾雖不能以一觀萬然去先生未遠也國可
得而識之矣和伯等所尚如此其兄弟之間蓋有過人者先生未遠也國可
禮泊吳君德基數為余道其事存禮能紹其家者也試相與登斯亭而以
余言觀之則凡興起其高山景行之思者不假他求而得之矣於其登
覽之勝風物之美有不暇言者以是也洪武元年戊申歲二月初八日元

道先求陽縣志

卷之十

政治志六

學校

三十

蘭路吳履登白雲亭詩

昔人已乘白雲去更結新亭望後塵吾道于何登
一髮雲霄萬古見斯人鳥啼故國音容晚雨過空

山草木春多少熟庸付許洽詩 乾坤極目憐胡沙砥柱中原此八華一脈
編簡可能無意維陶均 委蛇見鄒魯千嶼寒廓起烟霞荒亭日暮
驚歸燕石臼春深橋落花是處 永康應典八華精舍義田記 東陽許一元
聞風總桃李愧余生近白雲家 求道之志八華在東陽邑西南四十里本元儒白雲許子講學之所元
來學五季歸而若有得焉爰集同志凡若干人歲會於八華山上既然而
殿誌訓踵門而言曰白雲子許子之學其聖賢之學歟誌者謂二程之道
得朱子而益明朱子之道得許子而益尊信知言也喪致其授受之際曰
吾儒之學理一而分殊理不患其不一所難者分之殊耳於是肆其辨於
分殊而要歸於理一又曰聖人之道中而已矣於是事事求其中者而用
之茲其上接濂溪為朱學世嫡者然歟否乎予嘗然曰將純樸者之未積
也此趙師夏之臆言許子常舉之以復英正傳又自以為自得之外在自
勉者也按朱子延平行狀問答中則無之其曰李先生教人大抵分靜中
體認大本未發時氣象分明則處事應物自然中節朱子以為純樸者之
相傳指訣者如此其語中庸則以喜怒哀樂未發之中為一篇指要必也
無所不通其所以求中者如此又曰講學切須深潛縝密若微以理一分
不察夫分之殊此學者所以流於疑似亂真而不自知也其所謂理一分

殊者如此若曰理不患其不一而難於分之殊遂求分殊以歸一其則無
根頤倒之見告子義外之見孟子之所以辟而闡之者也奚以為許子矣
以為朱子哉夫道率性而已性原於天具於心渾然與天地萬物一體首
也學之者果能反躬存察而自得之則大本立而達道行萬事萬化不外
是矣故曰博博淵泉而時出之若曰成懼慎獨為博學審問慎思明辨篤
行為凡以此也故曰同此者之謂同通異此者之謂異端豈惟之數子者
云然自堯舜禹湯文武周公孔子下逮周程數子以迄於今雖或所至淺
深不同苟志於道莫之有易也觀之八華講義雖其條分彙別若或更為
究其歸則以五倫五性為之本而五者之中又以信為四德之基朋友為
五倫之重而其實地功夫則或扶導獎誘於人欲未萌之先或激勵防遏
於天理既格之後或使之戒懼於不睹不聞之際或使之謹察於己所獨
知之時皆相與致力一原而非泛然從事於外者也許子之學受之仁山
金子金十受之魯齋王子王子受之北山何子三子者之傳一則曰立志
居敬一則曰省察克治一則曰涵養擴充皆一本也奚許子之獨爾殊哉
迨其晚年有謂聖賢之學心學也後之學者雖知明諸心推諸事而涵養
本原弗究弗圖則雖博極羣書修明勵行而與聖賢之心猶背而馳也深
得延平之旨而弗之及愚以是知紀振者之未精也太極圖說朱子疏請
國史改正蓋學識係人淺深而紀錄隨異昔有之矣果若人言豈惟許子
蒙疑抑亦厚誣朱子延平而濂洛之脉故矣不信其自言而信人之言不
亦異乎或則曰程門後流為禪學朱門後流為末學或此類也何詞之費

嗚呼前賢學術之指歸正後學趨向之門徑而可苟哉高山景行景誠敬
以蓄德後學事也肆指摘以別異同俟他日充然有得焉未晚也夫我則
不暇於是元等尊其所可信闕其所疑作而嘆曰幸哉許子得自白於世
八華於是乎益重矣元先世三畏翁從之遊更歷時久書院蕪圯皇明正
統間高祖彥洪翁起廢崇宇扁曰八華精舍慮或弗恒置曰若干畝業於
人俾世守之肆元與弟澄輩得以仰止藏修其間而元之世澤將託之不
朽容知後之慕今不如今慕許子者哉請一李學道彭山書院記南一舍
言以垂後徵遂次為之記嘉靖庚子元旦記李學道彭山書院記南一舍
山曰八華乃元儒白雲先生講學地山之陽曰梅寬為許氏世居許之稱
竹巖子者素業儒澗白雲之澤者久卜居八華之麓彭山之阿構精舍一
區首為門門之內為堂白雲先生遺像在焉常率子弟春秋舍奠於其中
堂之西薄墨莊池為軒曰迎賓館前鋪石為弄月臺煩臺下碧漪萬頃
可以挹天光雲影之徘徊軒之北為會講堂嘗與同類闡白雲講義於斯
堂之後陟重階為松風閣雕甍插漢八牖玲瓏內儲書數千卷每吟諷餘
時得以白雲松風之與同諸人仍慮諸人所需或不繼乃斥田三頃山
塘一頃以比范義莊之遺響為於戲嘗謂士君子之處世果達之有異耶
勸之子初治舉子業且有試輟棄去從永康石門應公松溪程公於五峯
書舍精修陽明王公學歸而求白雲先生道緒而徵之又與諸友龍山蔣
子輩諳諳然反覆而辨之是何其志之殷也予嘗造而信宿焉目其手不
停披口不絕誦至廢寢食雖厥胤而腊弗恤也每深夜燭光透初寂然若

矣久之忽礎然作拍几聲是非其有得於發憤之餘者耶然則子之於茲舍也有得亦多矣仍屬其後人世其志他日弗墜子之緒有如子今日之於白雲焉則於范義莊周人之意也固未可知為何其許一元松風為學者百世之資也予竊以為較愈矣萬慮丁丑秋七月望許一元松風閣詩 千尺嶙峋舊有亭白雲收盡八峯青 我來重上松風閣急雨飛濤白日聽

社學 明洪武八年詔府州學每五十家設社學一所時東陽凡十四鄉約

每鄉一所後廢城中遺址屢存 按宋藝祖令天下州縣里皆設學明洪武一所請秀才教訓軍民子弟止統元年令各處縣官嚴督社學俊秀者許補生員天順六年教諭每鄉每里擇師設教仍免為師者差徭宏治十五年令立社學訪名師民間年十五以下者送入讀書講習冠婚志祭之禮其後學舍無復修舉凡市井鄉村皆自行請師以教而社學廢城中遺址僅存萬歷間鄉先生見山社維熙修葺立為講會其地在法界寺西隅而而文山官橋二會亦相繼開設時有陳春洲號源金常惺諸徒輔之皆合力贖金以支公費復捐公餘置會產一時稱盛已而見山社誠源亦宜蘇四方會稍弛後進者幾不曉所在於是春洲與同學張明夫訴之邑令郭郭斯還之曰吾亦南阜郭子門人也將廣其會許以西司後一產助之贈輔仁嘉會額日久而死鞠為孤園既乃以寺前東首基馬之而致以其地

建昆虛閣鼎革後會遂廢不設春洲之徒類齊嘗語諸於此會邑令胡估人崇尚儒學因告諸之虛度其地屬諸講會而別於其前舊祠遺址為義學擇社師教之置租田一百三十科充修脯康熙十七年仲春上浣為始諭令民間子弟力不能從師者皆得講習其中仍不時赴學稽勸惰行獎勵焉於是相率赴學以為盛事云 計開義學前後共六間西北隅法界寺前右首義田田租共二處一在六十五都一保赤字號計官田一號一畝四分六釐外附伍田六分六釐二臺又伍田二號共二 趙忠濟記畧古畝五分八毫原係蔡氏祀田充入六十四都三圖七甲 趙忠濟記畧古聖帝哲王往往以教育人材為治化之本八歲令入小學十五入大學其所以教之者甚詳而有序以故人文蔚興處則有以自淑而出則推以治人明體達用率由此已明初學校之外令各郡邑立社學本色西北隅一處父老猶及見之久而能達相仍作新之化無闕僅供傳旅舍而已三韓胡邑侯臨蒞斯土諮詢前迹惻焉心傷勸勉有志者協力成之會邑人士思侯之德謀所以尸祝侯者即其地之西建屋數楹欲繪侯像師曰無庸凡吾所為者皆職分也遂捐資數十金以為義學置腴田若干畝用代修脯家無貧富人無高下咸得沐浴於詩書六藝之中諸先哲之講學於斯者得於其間立春秋焉祀濟斯僅事廢而復興故撫 顧末而為之記其董役者則先年劉授監事李世嵩也

崇正書院

舊名中興書院

在城南即中興寺舊址嘉靖中建隆慶六年合祀葉水

心許白雲其中名中興書院

趙祖為記

聖王車敷文教命勸業範士我

被視往昔益彬彬盛矣東陽舊無學曰學之南有寺名中興於官談
定二百金諸生謂於學便基可建別堂入其祖以贍賙恤各奉資以應國
子生郭天翔獨奮然以代直請縣尹吳翰詞聞於代巡趙公炳然公議其
所為產界學命歸其直郭生不從違初志仍於寺旁營別業回地山塘若
干畝復用金逾前數創崇正書院若干楹以為講生肄業所歲已未諸生
上其事於代巡陸周公斯盛文宗中州范公惟一悉如獲樂際慶公復
令其扁立碑以示勸郡守李公一元虔奉德意率縣尹王公周履走拜概
文於余余惟義雖人心所自有願豐殖者較盈縮厚施者昧取予歷義則
均又奚勤也况由是以風天下乎夫職隆憲紀風化攸司郭生履德強義
以滋植去類而當道用嘉乃績著之堅珉則天下祇若令德必自是泮厲
惟義是敦其於贊協風化將不止東邑已也余聞郭生之先有欽止氏者
嘗遊東萊考亭門闢石洞書院以淑鄉秀厥後郭氏復建儒學輝映樓今
郭生營業築室為通學計則不特惠一鄉建一樓而已邑令鄭準記東一
余又不知後之歸美郭生比今之視昔何如也是為記邑令鄭準記東一
舍地為長衢石洞書院在焉宋人郭欽止叔水心葉先生講學處也距城
西南亦一舍地為八華山八華書院在焉元白雲許先生講學處也二書
院廢久矣距城南不三里為中興書院故中興寺址大學生郭天翔固寺
址構宇以公於靖學士號崇正書院其並祀葉許用今名者縣令吳人鄭

通光東陽縣志

卷之十

此治志六

學校

三十三

準也始縣有具孝祠祀古孝子六人既祀嘉靖間縣民許姓者請於官官
為再建祠祀許孝子并祀許白雲載在祀典矣準至考國誌徵碑碣泰興
論弗當於心焉謂孝子宜祀也祀許而遺諸孝非公白雲講學茲土亦宜
祀也祀之於孝子祠非類有司徇之非禮於是議釐正之以許孝子之祠
祀六孝仍名具孝祠以許白雲之祀並祀葉水心遷於茲院祭從其先亦
起以義同道為偶各於其所督學使鄭公題之曰崇孝與學可謂兩得矣
隆慶壬申春二月己亥縣令既事於六孝遂至書院祀二先生姓帛豆邊
秩秩焉凡與列者舉儒紳流也禮畢或以名院為請復之曰無踰中興矣
夫石洞東鄰之與庵耳得師如水心而鄉人類能設道當世大儒若晦翁
東萊咸相與答述彬彬可觀矣故東鄰稱文獻自石洞有葉也八華西鄰
邱隅耳白雲以宋儒之緒講授其間而遠近之士咸裹糧從焉故西鄰多
譽望自一華有許也茲院適城陽宅土中環邑之人於是乎觀式又合二
先正以為重二三子止有所集有時景行有先哲子謀於野則時至焉因
是以自覺且覺人俾凡民咸知悅學石洞八華不在茲乎則謂之中興也
宜也乃名寺者莫取焉其或有待焉爾矣郭天翔聞是言也磐石請記之
而述其始末如此天翔欽止裔也雅有義舉殆其先世遺風云隆慶壬申
月日邑令嚴貞度記去邑治南不五里有中興書院叙曰嘉靖甲寅乃太
政為費如于縉有功德於學校甚厚諸當事高其誼文之貞珉者六矣萬
應庚辰柄相用事懼鄉校譏執政也議毀天下書院其田粥之民官入其

直於是甲與書院亦在殿中生聞投七著文白令此生普與此院俱泯令
大學節急白之當事而就且病者業已半矣其半毀而不毀獨而不泯又
生資也予令茲土雅重生生時為予言田以學名何居而出入掌之縣謂
青衿者緩急何余曰然會督學使者計租多不入不許生義形於色令子
姓持狀白御史臺御史臺報可則又新其棟宇正其東南而以歲月請記
於余余惟此舉固高無容喙乃其所最難有二焉當柄相用事時威燭
災天下書院之毀學田之粥其賢於坑焚幾何而天下達官貴人時號賢
豪閥者未免頽首下氣奉意旨惟謹諸學士先生亦咋舌不敢吐一辭賴
天子神聖詔德之生一太學諸生爾成端方熾毅然無避鈇鉞而卒賴
其力以存十之五假令天下有生輩數十人柄相之禍當不若是極也石
礮之言曰老夫耄矣無能為也生於甲寅春秋且艾矣迨今更二百有奇
甲子視其意以青衿者一日不講肆其所不養煨膏火其田之入以為恨
而目不可瞑即三斤資幾千金無幾微見於色於乎此二難者誰非烈丈
夫能之哉詩云投我木桃報以瓊瑤青衿者講肆其所養煨膏火其田之
入美翅木桃之投且也邑故號小鄒魯紫陽東萊氏諸大儒之遺澤猶然
在也書衿者仰止景行勿使諸大儒後有數百載無人之嘆為小鄒魯
則生國厚食其報已生之先有欽止良臣者兄弟父子世葉書院偕延大
儒明道作人事在石洞遺芳集中生此舉蓋繼其祖武云生名天翔字大
泉余嘗奉例冠帶生進遠不敢當其屋之楹其田之畝其歲之入載
在碑陰後來者尚擴而大之毋如前庚辰故事焉歷丁亥夏月之吉 學

諭費家興記

附詳從祀諸人 婺州自呂成公昭中原文獻之傳倡明道

成鄒魯之風而許白雲獨與葉水心並祀者何水心講學石洞白雲講學
八華雖生不同時而學無異道別在東邑則一也其不祀朱呂者何成公
開婺學之統非東邑所得私文公集諸儒之成并非婺郡所得私也然葉
宗傳從可識矣其增祀孫石臺者何有明正嘉之際五湛諸子各鳴其說
幾樹旗幟石臺折異同尊洛閩以闢邪崇正為己任故表石臺而婺學之
心傳為不差矣若夫鄭衝庵郭愛泉之祀也則以闡義能徒也吳桐谷處
三邱之裕也則以學稟正修也故廣從祀而崇正之典制為悉備矣但書
院固廢利耳嘉靖甲寅郭君實賢建之崇賢非秩祀耳隆慶戊辰郭侯實
釐正之而一更於柄相之議燬再變於兵燹之頻仍三苦於緇流之竊踞
以故白雲仍歸存祠水心委諸草莽數十年之間訛者莫正廢者弗舉
此余所以有與孝崇賢制各不同之議歷報諸臺奈相沿既久諸許固請
遂以過於將就尚無定論竊以與孝雖自承訛而白雲固宜別祀況歲丁
丑既慨書院舊址盡撤象教闕戾寅己卯數載以來備奉葉許諸儒神位
於其中矣惟是舊宇湫隘滿目蒿萊恐無以妥靈爽而新耳目乃於辛巳
孟冬重闢堂基後見寢室三間中左右三龕以次分列諸賢之主前為講
堂則基而未極又前為大門繚以周垣而募夫以居守之蓋是役也因舊
更新眾志齊一協力捐輸不細力而竣工固若斯之速也且又舉各祠之

例酌時祭之需給自學田者半捐自吳盧兩裔者半比年入其稅於官俾
孫吳盧三姓子孫支租輪祭請於學使均蒙報可余乃訊吉備邑大夫退
庵張公同寅雪溪宋公率三姓子弟集諸紳士而行禱祭禮焉禮畢諸士
請曰廟貌有嚴祀事孔彰夫子教也願一言以紀之為我東人士勸可乎
余方遜謝不遑而又量移部庫未酬所請今年夏適奉
恩詔頒示藝東重遊此地深喜其志之克遂也乃作而誌言曰諸君亦願書院
而思崇正之義乎夫葉許孫三先生之學正學也不流於虛無不雜於功
利尊聞行知窮理居敬以造於廣大精微之域固歷久而彌彰也諸君子
由三先生而問津於朱呂湖源於洙泗則正學之傳其庶幾乎否則詞章
為已耳制舉焉已耳甚且紛紛營營趨利作偽以陷於小人之道則詭於
正者遠矣夫豈今日崇尚之意哉抑此地負山面郭想蘇書牧至不以時
爾三姓後賢既維持而整飭之自今以往更一乃心懋乃力毋胥怠毋背
詐俾人文日盛德業日新則尤余所急為惓惓者也至
夫院址之鄉保田畝之步號另列左方茲不悉紀云

復初書院 在城南邑令趙善政建今廢 王乾章記 東陽環山為邑古稱
漸泯機利之習以具寢寢乎靡其初矣萬歷甲戌宛陵肖軒趙侯以仙令
遷至下車事事日見士習之華而飾也民俗之侈而競也則掣蹙曰茲豈
其初也耶宦非長民者責與頹波汎沫吾將障而東之乃試士於庠迪正
崇雅稍浮華者弗錄又做古比閭族黨之義而立之三老俾月旦率其子

道光東陽縣志 卷之十 政治志六 學校 三十五

若弟中飭倫理遵由訓約侯必以時暇巡行郊野察其如令者而獎之進
檢其不率者而底之罰由是聲教訖於境內外東陽人士乃有復古之漸
矣曰未也故導則易流喧歌之聲至漢不輟何則教之有地而後禮讓之俗
可永也故導則易流喧歌之聲至漢不輟何則教之有地而後禮讓之俗
地於學之西南創為書院前後凡幾楹生徒入院而習業者若干人扁其
門曰復初既落成於是學諭羅君鸚學訓張君銘許君璣遺其子弟徐宗
堯金大綱請王子為記王子曰侯其達政之本矣乎夫天地之氣瀉而未
流則積之必厚而發之也宏蓄而未洩則觸之必暢而出之也奇譬諸蒼
江大澤之瀦斥鹵不稼開闢而播種之種種芄然生矣重山濯濯一旦培
之水土植之嘉樹不數年可以棟明堂成大厦大哉物乎其蓄極之基而
孰大之地乎侯慨流俗之靡靡悉挽而復其初俾東士民如玉之未梅木
之未繩工人乃可施也一變而魯一變而道後之人必有究其所從來者
矣則侯之功德安可以弗著哉侯名善政字
以德肖軒其別號也起家辛未進士

張氏書塾 在東南六十里湖溪景泰間張濟建 魏驥記 湖溪在東陽縣
東南六十里循

高山之麓盤旋曲折漸而為湖故名邑鉅姓張氏宋賜號冲素處士志行
之裔世居縣之枕簪子孫蕃衍有曰孟舉者爰是鄉山水之勝遂與弟孟
高來遷居焉二世於茲矣孟舉信崇義篤於訓子嘗欲闢書塾以為先
弟子孫講學之所俾閭里俊秀亦得肄業焉有志未就而卒景泰壬申其

子濟慨然思承先志乃即所居之西偏闢地數畝運材庀工構屋迨二十
繼續以周垣儲蓄經史凡諸生來學其中者誦習有裔游息有所庖廩什
器莫不具備款禮師儒典其教席由是從游者風動雲集濟欲圖諸永久
介其姻友暨陽王禮走余徵文為記古者家有塾黨有序蓋由并牧之經
正民無貧富之殊故五家為比五比為閭財均力俸得以共塾以成教化
之美後世族閭比鄰之法廢而貧富不均家或不給雖有秀敏之資亦不
能從事於學故風俗之不古若也今張氏父子知所當務習意書塾與鄉
黨宗族同之即古家塾之遺意也且娶為東南文獻之邦自文懿許公得
考亭朱子五傳之學而濂洛關關之道發為正脉東陽實文懿講道之所
其流風餘澤猶有在焉矧當昌朝右文為治凡典教於斯者必思所以景
仰先哲訓飭來學基以孝弟忠信充以禮樂經術俾德有所成業有所就
則不惟張氏子孫有所嘉賴而鄉邑人士亦得所滋培者多矣若此其有
關於風化豈小小哉余感既耄久去筆硯念昔居考功時孟高為禮科給
事中首相規宏已識其家世之盛茲又聞濟能敦尚行實克成先志誠可
謂賢子故記之請有不得辭遠書此俾歸而刻之以垂不朽濟字惟貞實
冲素處士十五世孫書塾經始於景泰壬申十月十一日落成於癸酉三
月一日記之年則甲戌十一月望日也 時又有王氏義塾胡助記畧斗
山王君在畫溪之陽出土田若干立精舍為義塾以教族人子弟就廩食
之而又給其貧乏者 按康熙志
湖溪書塾王氏義學皆不久隨廢

陳氏義塾

在五十三都官橋明嘉靖時陳亨同建有學紹姚江匾

文明書院

在瞻葵門內萬曆三十三年邑令郭一鶚建今為駐防廳

白雲書院

在瞻葵門下十里甌山麓白雲洞祀元儒許謙配以孫楊張國

維乾隆四十五年盧衍仁倡捐建 烏程戴璐記畧 東陽自南宋來名儒

崇正三書院以祀先儒今後學又於白雲洞建書院以祀許先生配以名

儒石臺孫先生又以明季張玉筍先生曾於其地作遂初堂奉太夫人先

生忠孝大節彪炳史冊宜與許孫並祀其基地張氏裔所捐首事諸生盧

君衍仁郵書屬記其畧始於乾隆辛丑建數楹洞左右遂初堂道址更名

堂為景行留遂初額於後越教授金簡書而跋之壬寅秋奉三先生栗主
入祠尚欲以次廣置書舍田產為遠近來學及修理計而歲聚其邦人春
秋祭奠會講焉余於癸酉歲侍先大夫司鐸吳宣恒偕盧氏張氏諸生仰
止與型今去東陽已三十年獨盧君祭酒一鄉以表彰前哲為念聞其風
者尤為神往不置云乾隆五十年歲
次乙巳禮科給事中烏程戴璐撰

